

萬載縣志卷二十九

藝文下

詩

四言

我我亭

有序

元揭傒斯

富州學士

殷仲堪答桓温曰我與我周旋久寧作我宜春黃元瑜取以名其亭曰我我為賦詩一首

我遊於袁於龍之干有闢閑閑有環言言有構桓桓維集之

安我居我處我笑我語有翼其所而敢予侮我植孔嘉我構

孔華曾莫之迎而莫我多彼馳者子亦孔勞矣我既觀矣亦

莫我迷矣嗟殷氏之老猶弟桓是友我不我友將誰歸咎温

温其和瀏瀏其清藹藹其芳煥煥其明嗟維古之人尙或予

聽采白志通志補

有竹五章章四句爲龍孔目駿賦

明楊溥石首內閣

有竹猗猗維茂如簣君子樂之載歌淇澳 有竹猗猗中通

外直君子樂之四時一色 猗猗者竹挺挺其標不以春妍

不以寒凋 美矣君子翰林之英來遊來歌治世音聲 猗

歟治世千載重熙樂協簫韶鳳凰來儀

題王永誠綠筠清室圖

張璧邑人副使

繫惟王丈人中之英蘭亭啓宵槐株植庭驅馳宦轍賢勞著

聲解組賦歸勁節等盟創垂課子驚人一鳴慶挺玉樹綸閣

寵榮年逾尙父嬰鑠稱評軍持紫芝煜煜騰馨徠松翠偃

蹇參冥噫嘻斯圖也豈啻琴書瀟灑披對於疎櫺殆衍龍鳳

之奇種抑亦昌後裔之崢嶸

溥泉吟有序

國朝孫馨祖邑人知縣

余城居之西有溥泉迤城北注於蜀水東至南昌入湖漢即漢書地理志建城縣注所稱引也夫達淵之泉固不同於在井之泉通志載溥泉與井泉無別不知漢之建城蜀水又安知溥泉之澤借湖漢而入於海爲莫可涯涘哉余既飲而樂之號曰溥翁翁勞人也又將遠行未必能樂於是意未嘗不在是也作溥泉吟

澹澹溥泉注於蜀水風雲在望咫尺江海孰泳其淵自溥翁

始 泉之溥翁居之下抱甕而汲餅馨有缶不驚波浪何勞

車馬 醉翁壯年以翁爲戲霜髯不翁強顏老驥入少年場

飲酒易醉不如飲水適溥翁之味 短歌聲促長歌聲慢亦  
有心聲在聲之外寫水聽風可是天籟

五言古

衝雨萬載道中得逍遙觀遂託宿戲題

宋黃庭堅 分寧舍人

逍遙近道邊憇息慰憊懣晴暉時晦明  
譔語諧讜論草萊荒蒙龍室屋壅塵  
空僕僮侍偏側涇渭清濁渾

采山谷詩集

題李西僕水竹居

劉章

在昔香山老水友而竹師心虛是師道性靜友亦宜孰謂物  
理妙乃爲高賢資佳哉隴西子結屋溪之湄溪上亦何有有  
竹如在淇娟娟峙寒碧澄澄燭須眉微風一披拂雜佩聲參

差俄頃萬籟寂粹然澹餘姿可但子師友我方師友之未到  
三歎息徒勞形夢思

前題

章穎

水清湛無波竹直勁有節風味與誰隣夷齊采薇蕨羨君虛  
其間塵事俱掃絕無求萬慮空清夢化爲蝶高垣繞華懷未  
免畏炎熱何如李君好曾襟深冰雪玉山曾品題價重萬金  
埒幽尋勝得趣靜對物理徹雖貧亦何傷政恐污我潔吾言  
儻未然歸聽此君說

寄題張氏中隱堂

張孝祥

吾家中隱居才比萬斛泉短小精悍姿一劍當雄邊去年柳

州賊俯視衡嶽巔君從襄陽來孤忠作戈鋌談笑百雄安淨  
洗湖嶺煙謂當酬王勳金印如斗懸言歸遽如許此意誰爲  
宣小隱卽居山大隱卽居廛夫君處其中政爾當留連早晚  
有詔書喚君遠朝天欲爲中隱游更着三十年

以上三首采  
嘉定志補

題歐陽龍南朝所藏羅雉川秋江晚景

元揭傒斯

弱齡習村曠隨景慕追游散策步隆阜揮袂陟高邱仰送微  
霄翮俯鏡清川流攀條賞韶穠折穎弄芳柔湘南擬詞賦江  
左狎吟鷗不識年歲邁詎詒軒冕蓋一從黜仕版羣憂積岑  
樓朝隨車馬塵暮與形影儔雖荷明主知百志靡一酬懷祿  
已云忝抗迹豈末由流電三十載回腸幾萬周朱顏日去面

白髮日滿頭君子委練素丹素合嶺秋寒蘆被柱渚橫  
長洲草樹一消落鳧雁各飛浮亂石夕流駛空郊朝景收庶  
類趨晏暮孤生增隱憂覽物因有觸流詠慨前修

采贛州  
府志補

題東岐山房

虞集崇仁  
學士

秀挺東岐山雲氣常覆之林邱翳幽潛流泉發芳滋盤桓在  
中谷良疇漾清陂開堂直岡景長年誦書詩孝友夙所敦求  
道遠有師雅志尙端潔凡近諒難知康樂昔賜履詠歌足遐  
思啟書訪前聞往跡無所遺瞻彼古澗松深根連喬枝亭亭  
植高節鬱鬱含令姿眾木不同泯悠哉副深期

題蒙庵爲黃石谷賦

虞集

東南有高邱下臨萬家邑汪洋浹春潤沃衍盛秋入羣山若  
浪波起伏翠重襲靈運好奇險高平罕相及幽人園綺間周  
覽度原隰隨山導清泉積石拾層級結庵以蒙名異行信所  
執良時一來游朔月九交十門當星斗高隴臥風雨濕一川  
燈火歸賓從雜車笠登高愧能賦騰身竦山立

為黃氏賦大雅詩

虞集

岐山鬱嵯峨鳴鳥昔有聞周公盛制作經綸以彌文朝事接  
燕饗勸勞兼賓軍肅離迷盛德工歌贊前勲流蕩桑濮靡何  
由返咸雲陳肆輒有見吳季真不羣公子有古絃歷然宮徵  
分大雅忽有作青春日方殷高堂以居之樂康永欣欣以上  
三首

采芝山房古詩補

桐岡書屋

明曾棨永豐  
少詹

梧桐在高岡下有隱者居屋後山削玉屋前水鳴渠屋中何  
所有插架多古書竹簡識科斗芸香驅蠹魚豈伊惜寸陰庶  
用勤三餘名教有真樂孜孜遂忘劬及茲得賢嗣發軔登雲  
衢追陪青瑣賢出入承明廬聲光動鄉邑此屋信不虛黃金  
雖滿籛視斯諒弗如墨莊有遺訓永矣垂名譽

靜樂軒

鄒緝吉水  
庶子

雅志樂幽夔遠隔塵市喧屏居林壑間息心以忘言背水結  
茅屋面嶺開柴門羣峰當簷出修竹遶舍繁時事不相及外

物寧爲昏翛然一室內習靜臨前軒希夷絕塵想泯默謝囂  
煩至樂惟在茲擾擾焉足論

前題

王英臨川侍講

伯陽貴清靜莊叟樂恬熙寓心得所止達者斯爲宜遺隱在  
林麓逍遙復何爲軒窗極明豁草木皆芳菲適意聊泛覽忘  
情豈知疲衆紛諒已却慮澹志自怡乃知靜者趣冥默真吾  
師安得謝輪鞅相與探元微

綠筠書室

易節邑人布政

我愛西鄰交王君多意氣植物慕佳卉營構擇幽地三徑色  
蔥蘢一室清陰蔽若人珊瑚姿虛心違世累晚節固自堅桃

李終僮婢孰云林下風而無諸侯貴何當賦歸來與子同高  
致

高岡雅詠

楊宏備

藹藹君子廬乃在宜陽間門環康樂水圖畫五名山夫君懷  
隱德優游非等閒酌酒摘瓊枝仙人相與還五色散烟霞頃  
刻成斑斕文章多合子鳴珮玉珊珊

山田大智寺古柏并序

熊頤清江

萬載之北鄙五十里有奇柏焉一本九幹大可蔽牛枝下  
垂仆而復起軒舉怒張怪異莫可名狀甲戌夏予客湖溪  
主李先生維則之廬詰旦主人具酒食邀諸友往視而寺  
僧適來相與取道江干徐步山椒林木陰崖擺風振雨忽  
聞泉聲清激如鳴珮環至則方池半畝可鑿須眉柏於此  
托根焉夫山慘隰谷各止其所柏不山而水是生此殆天

地奇尤之所鍾不可常理  
論者也因作詩以紀之

晨熹動山牖剝啄聲頻叩羣友恣探奇相邀陟靈鷲行行俯  
澗濱灘聲喧石溜噴浪怒雪飛激響雷霆鬪已足駭心魂更  
復窮巖岫絕壁隱禪棲披雲參雪竇泉聲活活來古柏驚奇  
遘虬枝怪怒張虎攫紛馳驟兔起鶻復落矯矯勝葱峭一本  
幹九枝森然列長幼塤倡和以箎風至號萬竅寒泉盤其根  
蒼蒼依井甃吁嗟造物奇耳目安可究昔子謁孔陵老檜傳  
曲阜萌蘖不徒生千古何能又嗣聞武侯祠結曲雙柏秀意  
謂宇宙間無復臻奇妙快哉此日遊衆言良不謬淪茗出山  
僧園蔬雜旬恆坐久竟忘疲歸途已殘晝捫管速成詩慚余

先擊缶

宋清江志補

壬戌春自桐山旋里賦別辛生承頊并寄講堂諸子

國朝  
邑令 吳自肅

薄遊憶當日遭時何太否舉動半違心面目全非已幸於戎  
馬間勉強栽桃李皮骨今尙存所慰猶在此辛子才獨絕奎  
聚執牛耳縱橫理學窟伐毛兼洗髓筆走跳天門賦貴洛陽  
紙善是是亦足而不寧惟是軒冕視如塵肝腸更似水豈獨  
號文人真堪稱國士龍江舟上別屈指四年矣我來客龍眠  
鵝嶺人伊邇思之不能忘折簡勞尺鯁命駕賁然來歡子爲  
倒屣握手話當年旣悲復成喜開篋出新作光芒氣成紫

陶家巖

辛聯昌 邑舉人

曠蕩今古間，高人不世出。餘韻日卽微，百代猶髣髴。陶公徂  
徠客，清名妙六逸。平生一杯酒，無心計得失。晚歲慕康樂，寄  
跡托巖穴。高崖根青冥，奧曠洞天豁。嵌空俯深溪，何殊仙人  
室。向來經遊眺，高軒蔭清樾。花明春未老，好鳥相嚶戛。白雲  
屯層岡，孤月松際出。徘徊仰餘照，發興驚勝絕。伊人去已遠，  
碧草委霜雪。如何掃地盡，并此巖俱泯。沮洳墜雷奔，崩剝落骨  
流血。給訝悲風來，泉聲夜哽咽。悠悠後來輩，空尊昔賢蹟。陰  
陽有代謝，物理杳難必。茲巖自興廢，今古渾如一。

南嶺

李榮陞 邑人知縣

吾里環萬山地，平不多畝。高者無如何，往往贅培塿。南嶺如  
鉤瓜，分頭上下走。又如構重垣，睥睨當關守。岐原與烟竹，鼎  
列問誰手。坐令同井墟，秦越判媼友。高低連兩巒，天馬側身  
驟。午日標松顛，寒泉豎谷口。駕言何所如，揭水得耕耦。遠色  
增雨餘，深光沐烟後。飄蕭萬竿接，陰壑埋春韭。未知雲氣流  
翠罨，破廬否。茲山對吾居，相狎遊亦偶。蒼然圍屏橫，歸徑屢  
側首。

天湖山

李榮陞

迴嶂攀將窮，一俯萬丈叟。孤村鎖東南，夾水峰遞應。九頂穿  
雲秀，源山躍相命。旁羅陂陀間，廬舍紛餽釘。荒臺隱霄漢，  
鳳女



臺誰薙松楸淨飄然騎鳳仙委化草常靚麗飲帝漿餘坐樹

天壺竟

天壺泉

磨掌蝕苔字未與玉雪稱黠僧習猿嬉宛轉欺

天穿破慳身一賭餘崖不可遠

捨身崖

叢石挺雞冠

雞冠尖

雄聲

半空磨陰竇潛虺蛇陽葩照梨杏東岡何迢迢氣象恣包孕  
危步託飛鳥廢蹤憑過訶茲山亦不窄棚柵望相亘通力甚  
把犁費身渺懸磬以茲盤谷開何處寢邱剩勤生非可必况  
我方難競响响中阮田桐竹積旁磴非無水與目所憂草萊  
病峯岑豺虎場遺叟陳觴咏紆回愧先德里門闕造請山家  
愛霜腴焚斫爭時令歸路入暗烟火龍銜照贈

湖陂洞

辛

頤

邑人歲貢

黃田山水窟一望特奇絕磊砢空中出平地罅石穴相傳一  
處好數里綿瓜瓞探之得盡源湖陂聞聲咽李生好奇古爬  
羅素心切茅庵遠邀我去去洗煩渴經行不數武小口似微  
坼舉手披蒙茸俯窺聞瀨洩跼步入沈深側身隨轉折胸前  
礙青苔背上挨石屑崖傾詎堪仰湍瀉仍淺揭貫魚穿地軸  
逼撥心懷測湖陂那可聽少間愁火滅却不容身轉後進居  
前列漸遠清涼界始覺天氣熱嵌竇憊追隨頗嗔李生拙李  
生還笑我迤邐賴推拽聞者苦相詢聊復將句綴

星光洞

辛頤

初如醯甕窄旋通天宇厥懸崖擁火看石漿滴形長流水不

知處松濤瀉清響玲瓏轉來深心體增寒澹覽茲不盡興旁  
更開晃朗灣環心屢折探討恣幽賞沈冥迷晝夜相顧神思  
慌乍覺一星光別徑通來往欲出轉迴顧一境逾深廣欹石  
作鐘鳴微叩驚颺颺凜然始趨出潺湲漱石上水冽甘可嘗  
跌坐空塵想流連終未嫌乘暇復來訪

萍鄉張明府粒民書郭孝子事見貽跋後却寄

國朝教諭 魯 鴻 新城

汚泥亦有蓮荒郊亦有麟誰言丐兒賤金玉貴其身康城有  
郭擦孝行芳千春乞食養母弟求仁而得仁王政先無告何  
况病且貧奈何令孝子不得奉晨昏靈藥天所貺至誠實感  
神富人病如擦踵門求一九却金匪小節大懼辱其親富人  
亦人子廩擦如所生辭受依於禮母教信不愆古之庠序校  
皆以明人倫丐者行如擦可以充嘉賓願君廣物色無令失  
此人 采陳府志

遊雲峯洞

魯 鴻

百里入雲峰山形如覆盎崕岬豁天開俯瞰不計丈徑絕無  
鉤梯側身氣沮喪趾壓前人頂後來勢居上垂危爭杪忽入  
險得平曠偉哉造物奇狡獪千萬狀篆籀錯尊罍珠琲疊屏  
障石乳紛倒垂冰柱屹相向恍如閶闔開排列羽林仗又如  
禹鼎成神姦窮罔象想當混沌初融液氣酣暢磊砢鬱不平

女媧力批亢雕鏤虛無根瑣屑事勾當娟妙難具詳茲遊荷  
靈貺傳聞洞源遠百折不流宥神物中屈蟠窟宅鎖紐壯世  
無然犀人詭怪勞想像列炬稍深入復覩高門伉進退分勇  
怯力疲覺神王投石驚雷霆天空裂層嶂目瞶耳亦聾招魂  
幸無恙古來荒僻區靈異語或誕茲洞置城市遊屐添幾兩  
秘惜自地靈智巧歸天匠薄暮下山歸空聆樵牧唱高吟懷  
謝公千載永相望

禾厚畚詩稿

題龍岡橋圖

國朝  
宗室 瑤華道人

博施堯舜病尼山微言存功成而弗居大上之妙門藐焉三  
代下俗尙皆競奔豈乏讀書者心力難同論况當三十年擢

擋祖及孫嘉哉萬載俊獨任營晨昏苟或綽以餘猶謂邀私  
恩迺致業中落濟美情逾敦但願箕裘繼而無徼倖痕沙漠  
彼軒冕沙礫斯珠璣披圖緬芳躅奕葉採蘭蓀不知聲譽貴  
惟思道義尊一簣功竟奏千秋光彌焯謝山高屹屹龍水浮  
法法烟靄相摩盪雲霞共吐吞詎藉文章顯和氣充乾坤

石庵

辛紹業

邑人  
助教

靈巖閟幽景石洞窈以深人言古寺好細路踏梯陰山氣無  
六月峭寒落衣襟長風倏震蕩白日晝蕭森乳泉時一滴長  
作雨餘音佛像塑奇古未令蝠糞侵老僧雨三人布衲穿透  
岑渾渾泯知識麋鹿久同林一語及世事無言如聾暗頗疑

義皇代遺民遂至今欲從知不能徃徇違寸心

龍龍山墓

辛紹業

寒鴉噪空山獨樹冷無暉下有忠義骨感我心增悒憶昔明  
二葉攬槍掃紫微微符來燕壘執詞矯且非戈矛起蕭牆孱  
王莫知歸長史排羣議屹立不可揮獨保危城小遙遙護帝  
畿神器移北藩蘊毒矢發機檻車日千輛焉問麟與豨維時  
方景輩錚錚犯嚴威齒抉猶能罵皮脫仍欲飛纍然環十族  
血染御街緋凜烈信莫干中道亦或稀長史外陪臣足未闖  
帝扉緘嘿豈不好要非心所希臣職旣當爾臣死焉敢違從  
容成仁義嗟公其庶幾首邱今在此魂魄天孫依千載樹臣  
節雪高霜澹澹

曾仙塘

辛紹業

古墓浸寒水云是曾仙藏曾仙眼如月愛此水雲鄉天機杳  
莫測仙獨識微茫有質靡不化聖詰道其常安有千年骨朽  
壤闕愈光况復廷愚昧餘蔭說休祥徘徊山之宅山川鬱以  
蒼雲日舒清景草木亦芬芳殷勤田間叟就我絮語長如聞  
百年前盜掘意匪良土衣杜侵毀實賴遺識彰太息下土頑  
茲理信難詳

同蕭大

招仙

登九龍山

辛紹業

蕭君好奇者招我登九龍初行密竹徑曲磴盤危峯翠氣生

襟袖丹壁秀芙蓉冷露晝滴瀝幽花間白紅決意逞先步險  
途踟後蹤翹首一天門雙卓鼓與鐘力盡不得上輕矯羨飛  
鴻山腰野人家小憩聊從容一掬甘泉水洗我煩心曾數轉  
益高峻巖巒蔽晴空古德杳何許遺跡白雲封悟彼桑下意  
慨茲世情濃鼓勇到絕頂寒日淡濛濛黃皮與紫蓋屹立眾  
所宗大瀉橫西北劃空如崇墉天風四山下萬壑聲洶洶祇  
疑人世絕仙樂聞撞椿相對久無語晚煙生重重迢遞下山  
去倦焉路旁松

夏日讀書大悲山房

彭賢賡 邑人

余愛山之幽山亦愛余拙暇輒來山中甘載此清絕青山長  
此青余髮已半白落落舊生涯幾人自怡悅老屋數椽支浩  
歌憤擊節猿鶴久相習狎處豈分別石古松枝平蘚深水泉  
冽枯禪響飛籟寒巖冷白雪此地虞與歐 元虞伯生 歐陽圭齋 也曾臥  
車轍空山有神物何年啟丹穴

秋霽登峯頂山眺遠

辛啟泰 邑人 知縣

窻晴諸鳥散林淨覺山秋偶尋蠟屐着高峯宿霧收老竹穿  
石瘦古洞闕雲幽振衣陟絕巘逸興渺滄洲決普天地外羣  
山若沈浮仰睇天門誅日月轉雙毳秋色蒼然來地軸清氣  
迢何當登泰岱俯視小九州

曾仙璫

辛炳喬 邑人 優貢

灌木蔥暝色沙澹杜蘅香好風吹汎瀾言尋曾公塘曾仙眼  
如月天機參微茫結廬人境外叱石猶叱羊行歌蒿里曲寄  
此水雲鄉歲歲春復春白鶴下翱翔石壁呀然開御風恣徇  
祥別薛讀薤書看煙局仙莊

留別絮言 三十首錄六

邑令 衛鵷鳴 大名進士

步上南浦橋南浦水盈盈山原忽開朗十里稻畦平往來袁  
州路霜中月下行多少惜別人對此不勝情

碧水繞花園兩岸垂楊柳寥廓九仙塘一灣烏溪口回瀾石  
橋下空天立釣叟烟籠月照中消我酒幾斗

不知雙虹橋深遮白日幽當年清溪渡今者市人稠何事眾

忙忙日夜行不休欲與洗塵心泠泠聽上流

秋聲北門外懸流聽不住每當心意煩坐此消百慮露墮橋  
上月風入城邊樹欲以載酒船併載清涼去

泛舟下龍河長橋駕橫空河邊幾萬竹併作橋間風悠揚讀  
書韻來自桂花叢聽之忘返棹山迴夕照中

生有山水癖離之覺心痒况多素心人願與恣清賞城中可  
採蓮城南可盪槳秀絕筆架山看將應春榜

七言古

靈棲巖

宋 宋 蒙

巖巖業業山如簇磊磊落落石如屋上有綠樹之陰陰下有

寒溜之泔泔通天有竇十餘丈遊子捫蘿來復往是中端合  
巢神仙桃花流水何杳然我來正值春風暮似笑賢勞又還  
去準擬醞酒聊從容對此坐想飛來峯

按舊志府志通志俱作張謬詩此從嘉定

志更正

謝山劉長者讀書堂

楊萬里 吉水學士

前輩學詩如學仙吾謂讀書當亦然神丹九轉骨可換聖門  
一簣功相先劉公結屋高山巔豈效羽客餐霞煙鄴侯三萬  
足高尚霧雨養豹知幾年文章笑拍班馬肩書堂看來咫尺  
天會當擢桂廣寒邊祇借謝仙雲鶴舫

前題

謝謬 新喻尚書

憶昔侍親宰鈴岡首訪盧老讀書鄉鍾山臺高蹟成古苔漬  
墨沼文猶香常嗟盛事少繼躅喜聞劉公志幽獨結堂宛在  
謝山巔仲初成仙舊巖谷牙籤萬軸填窗櫺煙霞鎖封寧著  
塵風雲夜伴幽人宿便覺富貴來逼人况公一方為長者兒  
郎競立文章價他時定有奪錦標要與老盧爭逸駕

舊志互異此從

嘉定志

送張元直令萬載

卮 燧

少年秀發似洛陽文章氣焰鼎力扛嶄然頭角何可及輩流  
見之心自降詞源湧出過不住渾令冷泉亭下開闢聲淙淙  
十八年前識芝宇期以功名拾芥俊逸兼奇龐驂驪一日走

千里胡爲暫淹子男邦春意先聲到雛雉父老望望飛鳧雙  
漢庭諸公說佳政召音早晚來龍江自應真之敢言地不爾  
玉堂雲霧窗過門訪我又輕去匆匆酌別安用買羊羸臨分  
欲寫贈言意慙無健筆如長杠

采嘉定志補

題南平王鍾傳醉搏虎圖

元吳淵頴

南平酒行山險巖日暮猛虎相抱持僕夫辟易不敢近雙手  
現出十狻猊口乾大喊眼光燦腰無寸鐵起徒搏沙飛石走  
風爪牙草折林摧雪齧齧人強獸勇盡力爭形格勢禁過用  
兵英雄變化動祥靈富貴偏稜收機槍老黑當路叱貉子指  
揮六州稱刺史摩挲虎須淮甸鬪啖嚼虎膽圍城靡少年本  
是貧少年狂卒成功等醉額盜應有道幸竊柄王竟不死還  
橫劍一時豪特誰與畫千古畫圖專足戒投弓棄箭浪紛紛

馬上愧殺裴將軍

采陳府志補

題歐陽龍南所藏雙龍圖

揭傒斯

七十待罪奎章閣羣玉府中光璀璨就中董元出蟄圖萬物  
如睹聖人作天昏地黑雷雨垂魚鰕盡逐神龍飛飛流上天  
灑天風絕壑似與天河通山開石裂電火紅萬木顛倒助豪  
雄先皇一覽驚且愛高懸長與御榻對真龍已入白雲鄉空  
有畫圖今尙在何處飛來兩神物開卷淒然滿頭雪

采贛州府志補

大悲禪刹

虞集



不夢金人長丈六中華那得通西域象教流行遍海隅龍江  
崇奉成真癖佛殿寂寂高倚山經聲細細朝連夕邇來行人  
行路難促裝常候鐘敲畢

采陳府志補

鼓樂名山

虞集

太平和聲天下作太平去後淳風薄後庭玉樹久摧殘南苑  
霓裳竟寂寞此山萬古留佳名此地萬年得長樂風清月白  
天籟鳴滿耳如聞奏韶護

舊志誤編七律今釐正

雲松集爲胡志同作

明梁寅新喻

雲松巢誰所居乃是洪崖之老仙高栖宜陽北翠谷同匡廬  
松花金粉酒堪釀茯苓截肪疾可扶戶牖玲瓏碧雲入以當

瑤席掀龍鬚峨峨雲岑鬱鬱松陰白鶴宿唳元猿晝吟今之  
曹劉沈謝輩爲歌雲松多妙音妙音世希有老仙筆下蛟龍  
走雲松歌詞看在手仙字詩留天地間馬蹄之金其長久

采石

門集  
補

草書歌爲志同作

梁寅

憶昔弱冠遊南昌健步文苑多賢良草書追古今鍾王胡君  
筆勢妙莫當春秋一經究周綱短長詩歌攀晉唐以書得名  
時所尚矯矯龍遊鴻驚翔鷹之海青馬躡躡鬚稍健煤漆  
光冰紈繭紙疎作行水蒼玉軸懸堂房觀者駭吁環若牆珊  
瑚文犀瑇瑁琳瑯無足乃能走四方跨楚連吳譽飛揚荆金充

貢驪珠償怒猊抉石石顛僵渴驥飲泉泉礪碩羞彼蚓蛇登  
 穴藏昔臨鮮于爪翹張後師班侯變老蒼嘗時同流爭頡頏  
 百羽竟避孤鳳凰揭曉擅奇白玉堂晚有危素擅芬芳大江  
 以南獨騰驤君胡為乎遯僻荒二十年來異故常雲松結巢  
 老宜陽嬪嬙說服誇宮牆劔舞尤美公孫孃嗟余與君友求  
 羊白頭俱在猶康強欲如鴻燕星參商百金一字懷不忘緘  
 書遠寄文錦香為寫此歌為報章百齡慎愛遙相望

采石門  
集補

袁州守何澄為郡人郭瑾給事作山水圖求題

習嘉言 新喻  
詹事

青山翠嶽開芙蓉層巒沓嶂橫蒼穹白雲片片間紫翠似接  
 岷峨千萬重山下湖光漾明鏡碧波一色涵天淨湖邊喬木  
 列森森人家占得湖山勝人家共喜逢時平年來雞犬亦不  
 驚煙迷渡口無過客白日欲舂孤舟橫伊誰貌入畫圖裏竹  
 鶴山人性所喜山人出守向宜陽郡中惟有佳山水山水怡  
 情春晝長公餘無事退黃堂興來隨意恣點染筆與造化爭  
 毫芒黃門郭君郡中彥得貺新圖增歎羨官舍朝回清甃時  
 恍惚故鄉長對面我家清江江上居煙霞近隔咫尺餘謝官  
 他日共歡賞寄書先託雙鯉魚

采新喻志補

題綠陰書屋

劉定之 永新  
內閣

君家住在清池邊繞池松竹高參天綠陰深處讀書屋薜蘿

結構三兩椽翠梢滴雨溼窗紙風送落花入硯水鳥啼祇近  
當戶枝飛來飛去鏡光裏嗟君讀盡家藏書致身當路逢唐  
虞春來回首思故居萬卷森然猶自如後人爲我咀芳腴莫  
遣紛紛走蠹魚

綠筠書屋

黃恭邑人  
教授

世人紛紛皆草木惟有王君獨愛竹愛竹之意豈有他軒居  
瀟灑絕塵俗軒前軒後竹萬竿篩金戛玉報平安每從詩禮  
庭邊見久向琴書窗下看大根臨夏翻晴籜小莖沿砌森頭  
角會看裁作紫鸞簫和音如奶諧釣樂君不見當年姚魏壯  
丹花雖云富貴何足誇又不見章臺昔日依依柳雖號風流  
詎能久歲晚冰霜寒沍時淡煙疎雨只空朽何如此物獨堅  
剛托根到處多篔簹座上每看渾不厭四時長有色蒼蒼

綠筠書室

龍駿邑人  
知縣

幽篁夾徑春雲起曲閣長廊淨如水曉日移陰上石闌主人  
嘯傲煙霞裏時從賓客相徘徊翠色娟娟浮酒榼直須勁節  
拂霄漢會見九苞丹鳳來

小嶺樵歌

宋九儀邑人  
知縣

郊坰不禁蕩蕩往歸路夕陽歌興爽信步閒忙日早遲相呼  
前後人三兩芒屨篠杖足生涯斷隴橫江到處家楮柚一肩  
堪舉火擔頭收拾度年華

前井蛙行

自天井窩棚寇始亂至朱益吾授首作

國朝失名

長橋蛟白額虎肆害昔民猶可數咆哮怒吼變不測一朝屏  
跡歸洞府封豕長蛇無慮數十萬往來如織紛如雨不攜半  
菽與寸絲寢食吾民爭吾土平山填塹掘墳墓種芋刈藍其  
利溥智者先事憂未然愚民貪得微租懷小補詎知平時夜  
半竊耕牛凶年白晝搶穀掠資斧時覘四方小有警揚旗飛  
幟張翅股壬午天井亂也曾披猖潢池舞戊子會城變妄假  
符命編軍校吾民橫罹其荼苦再犯再叛日驕恣或縱或弛  
誰爲主已歎養虎自貽患乃更沐猴而加組吁嗟兮臥榻之  
側容僉壬非我族類必異心倉卒突起疆隅變狡偷磨牙莫  
可禁方鴟張於己亥兮網漏吞舟更肆赦旋狼噬於甲寅兮  
波搖鼉足踵相尋井底淫蛙妄自大鼓吹幾部盤關隘焦土  
焚巢竄百族窺欄金城列營寨一時鼠輩多負嵎觀變少躊  
躇文武帥師勤宵旰御頽而深虞一朝斯赫怒潛師探虎穴  
彼此露刃正相接咄嗟種種老頭顱劍首腥汚遊魂血渠魁  
雖就擒衣帶去盡蟬鷹眼猶自違春花鴉聲豈復懷好音前  
車卽是後車戒毋俾易種於茲滋蔓漫

采陳府志

後井蛙行

賊朱益吾後餘寇復起難民無慮逃生感賦

失名

君不見投鋤釋耒長歎息夥頽爲王歌沈沈又不見公孫子  
陽坐井底至今空餘白帝城漢書一帙掛牛角睥睨晉陽稱

弟兄五斗米三里霧黃中赤眉誰比數轉眼爭看塵中塵  
匍匐那鄴失初步非熊非羆又非王者師蜂起雲屯欲何之往  
昔覆車尚不戒邇來授首復蔓滋瀏醴萍萬江楚界建牙開  
闢彌山寨宜春半壁汚青蠅黃霧四塞隔衣帶鯨鯢相繼雖  
伏誅蟬蛸愈熾煩兼驅流毒鄉隅一炬盡滿目黃茅黍離虛  
掠擄妻孥不得反哀鴻嗒嗒誰安居甲乙丙丁長羈旅饑腸  
久似空倉鼠逝將遠適尋樂土拚擲老幼淚如雨無家還思  
歸有田誰爲主改井作竈非容易買牛買犢不我許蒼天何  
時復我廬桑田草萊得芟除瘴癘鬼神食無餒先人墳墓不  
邱墟賴得整旅過徂菑綠林遁跡覓深處

時棚寇據萬肆毒  
總鎮統諸將同大

兵復

瘡痍暫息傷弓創夢魂聊逸驚彈羽伏莽何日俱銷殲

鶴唳風聲未除根格面格心知孰是爲雲爲雨覆手生更復  
盤根深窟穴晝伏夜動肆偷竊吾民誓不與戴天照我逃亡  
有如月

采陳府志

麻棚謠

守道  
施閏章  
宣城

山陬鬱鬱多白苧問誰種者閩與楚伐木作棚禦風雨緣岡  
蔽谷成儔伍剝麻如山召估客一金坐致十石黍此隰爾隰  
原爾原主人不種甘宴處客子聚族恣憑陵主人膽落不敢  
語嗟彼遠人來樂土此邦之人爲誰苦

采陳府志補

萬載謠

施閏章

山城夜閉中夜雨夜聞城中嘯猛虎十家九家聲暗吞城中  
人少荆棘存城高丈五半傾裂中貫長河無水門盜賊哀憐  
不肯入官吏倉皇征稅急雁集鳩居一何多土人拱手客種  
禾殺牛沽酒醉且歌滿眼蕪田奈爾何

采陳府志補

鵝鼻峯

辛繼攀

陽樂城東小蓬萊蒼翠照耀金銀臺草堂相對空相望落寞  
大懼山靈哈林間不速三五友奇懷拗膽輕崔嵬遙看銅鉦  
日初上山花山草明巖隈長空好縱千里目無端濃雲潑墨  
來顛風吹雨西北角憑陵猛氣走電雷草木爲仆石爲泐如  
將遇敵鋒交摧須臾滅沒輕煙捲仍餘欄谷聲喧沍浮光黯

黯天漠漠巒岡半入雲濤堆百年此山過此客靈臂曷不撐  
天開得無虛名悞觀者故吐雲霧深藏埋或畏筆墨工鐫刻  
秀靈洩盡天爲災欲知特呈煙雨障空歎此日敗興回酣醉  
村家悞脚酒分袂平曠各徘徊龍江山下頻回首應念茲遊  
眞快哉

月臺山寺

有序

辛金澄

邑人

月臺山踞邑上游其寺故民居也山後有古木一株扶疏  
秀挺及遭喪亂廬舍悉毀而樹亦朽先君子於順治六年  
邀同志建三官殿不踰月朽  
株復生秀結如蓋賦此誌喜

嗟彼月臺兮久翳榛莽中霜冷生愁籟露白助燐紅燐紅隱  
隱遍城郭天矯枯株虬龍若呶呶啞啞烏夜啼辜負長空生

寂寞地靈人傑果何憑枉傾北斗望月吟先君從來山水癖  
爲邀同人結叢林叢林蔚起發幽趣飛錫跨鶴任相取疊閣  
層巒出雲霄寶幢橫空龍蛇走枯枝枿藥弄春風金波奮躍  
耀長虹光浮萬嶺嵐如翠雨露千家色瞳矐果爾洪鈞轉化  
機百里煙霞接翠微康城一望河如帶從此歲歲浥清輝

從家

集定本

改正

龍山

乾隆己卯以忠節龍公  
鐔號龍山載郡志

辛廷芝

邑人  
教諭

康樂龍山山中傑俯視諸山等坵堦克生龍氏英毅人此日  
精華應欲竭文疊袁山峙一方嵯岬秀出南斗旁此山風格  
遙相望要與三山無低昂天下名山多稱最空山無人曷足  
賴吾以斯人號斯山落落聲名從此大好將得人賀山英光  
耀不藉春花榮當年偶爾供登眺此日清風萬古情

冠邱山

辛廷芝

白良山繞成城郭左右迴環萬馬蹕兩水夾浮龍欲飛一峯  
中尊天外落山住倏爾巖巖開小有洞薄金銀臺瑤草不隨  
秋霜墮山風似帶仙氣來曾公一墓寒塘裏眼窺天奧何取  
此氣擁南屏北障雲秀挹千巖萬壑水地能蔭人人何在陵  
谷千年亦變徙畢竟青烏術何恃我起呼龍龍不起

九頂山

李榮陞

石屏西側連夕望九頂全嶂墨堆雲夜夢山神滌山出未明

顛倒開衡門風日遲回果愜眺諸兄曳杖相追奔峭磴入自  
窺阮口曲折登履平畝紙確疏泉風爲守磐石醉人濃於  
酒繞籬新玉欹數枝弄瀑其中迅雷吼人言此是山之心仰  
睇雲端矗者九低徊先壘撥前茅蜿蜒左右窺龍巢遙峯拔  
地四面包中有削成蜷脊高躋攀分寸落不落萬里一瞬窮  
秋毫人生橫據十笏大誰以天地爲輪蓋礪珂團霄撫辰魄  
依稀控氣觸仙蛻仲兄採藥師神農季兄長嘯御列風餘山  
鎖電驅雷公驚出黃貓跳天空晚燈碎碎困撲地絕頂已著  
霞綃幪

克巢砦

有序

李榮陞

高村東行二十里溪雨有山虎牙屹豎絕頂開平窩多瓦  
巖故老傳云元末居民捍寇之地劉克巢砦砦主也故以名  
或言僞漢將歐普祥滅之又謂明世土寇就飲山下豪家  
而敗豈有賊巢密邇山下人得晏如者齊東語不足辨山  
南西有豎旗峯甚險側稍西有梳粧臺土人云當時對山  
擁水絕高溪積爲長湖望上游九頂虛映如婦人窺鏡整  
髮亦一  
奇也

芙蓉搖霜秋向暮野艇橫篙少人渡羣峯蘸影夾溪源溪煙  
數里平山根窈窕丹黃綴天末溪女連袂歌采葛山頭餘石  
驚雷碾山曲衝風迅箭筈頗聞元末兵寇喧有客過水峻重  
垣巢幕焚林亦難騫踟躕窮谷聲併吞紛紛齊語詎須辨霧  
豹安可儕風犬望湖之亭稱望夫後代婁妃節因顯漢女豈  
受花源迷秦人自得捍關選粧臺西攬天鏡慳梳出切雲崔



崑鬢當時逃死足佳趣恰借眉窩夢雲雨脂香剝盡氛亦平  
野花年年臺下路

董洞

李榮陞

石亂無路蒿平肩洞口垂蘿暗炊煙敲火下踏饑蛟涎聖巷  
斜通丈室巔白衣耀老蒙頭禪宛轉熹光反而復樵蘇踪斷  
怯幽獨翳翳董園搖風萊悵然穿暝下山麓回首怪峯左偏  
齋

讀書紫蓋山

孫馨祖

紫蓋山屬謝仙島仙去山中餘茂草當年丹竈不可尋空餘  
寺鍾聲縹緲孤峯聳出勢最奇日登絕頂摩蒼昊羣山不敢  
相倚傍蒼茫萬里風浩浩山下集雲舊遊處八年奔走失故  
道眼底浮雲在寥廓富貴何如此山好山靈笑客心無常安  
能長此守枯槁棲山自覺面目清入世安知堪埃老清泉白  
石不解取雕蟲蝕蠹空論討嗚呼山靈莫相惱卽今讀盡山  
中書他日歸來應須早

題龍江橋圖

法式音 滿洲

龍江橋下江雲飛龍江橋上行人歸行人稱羨橋營緝三十  
年中祖孫及孝孫敬奉橋圖來未述祖德先悲哀我對丹青  
心獨喜載誦新詩歎觀止匡廬石氣鄱陽風生平慨想柴桑  
翁青原峽雨澹秋夢洞底猿聲江上送推窗延月照畫圖萬

高車鼎記卷二十一  
三  
峯蒼翠松濤呼夕陽在山紅滿湖晚風獵獵吹秋蘆尋詩人  
至不下驢擔者荷者漁樵徒指點江上辛公廬辛公子孫能  
讀書

書堂山懷古

辛炳晟

邑人  
教授

翟泉鵝飛尚典午景畧不屑桓宣武撫枕寂寂河壘生却嘆  
孫郎計門戶滎陽太守謝病歸漢晉書成壓跋扈當年蹇步  
習家池閭巷浮沉守環堵豈知五丈池草滋滄海橫流沸鼙  
鼓夫人城崩萬民入馬蹄平踏千衡宇空將半土誇漢南毒  
聲紫色焉足數飄飄可惜彌天雲蹉跎抽身免圭組故山風  
鶴雖可懷間關迢遞歸王土衣冠吳越正朔存南董何人老

胡虜艱危想見入林深西山窮谷遠豺虎世亂生還定無翼  
坐閱巾箱送風雨卽今憑弔舊書堂星霜著述知幾部尋眺  
故蹟追風流四山松桂浩無主耆舊襄陽此流寓居遊應將  
國史補十六國事如牛毛十八家書只帳簿書生識地何崢  
嶸隻義猶堪紫陽祖棗木山空魂魄棲兒孫奕葉依屋斧策  
馬却問騎省墳江山半壁悲終古

遊謝山

彭賢賡

鐵筌羽鶴何年跨不道茲山姓猶謝神哉造化留混茫何人  
探奇開闢洗洪荒芙蓉削出萬仞岡千葉蓮花世界藏我來  
剔蘚攀蘿訪仙跡黃毗以西聳半壁仙人呼之渾欲出幽巘

高車鼎志卷二十九  
層厓歷不盡望去若近行難疑有疑無思悄然滅沒隱見  
見飛鳥下有白兔搗藥之丹竈上有袂襪跣趺之翠石頃刻  
霧露晝晦陰冥天風煇煇耳畔聞聲囁入大虛如雷如霆層  
雲靄兮盪滌丹梯豁兮空靈髣髴夢之初覺醉而忽醒吁嗟  
乎丁丑開山幾時代蟲書鳥跡真奇怪仙人已往山不老笑  
我不與黃鵠比翼又烏測乎塵囂之外祇今松壑間疊疊風  
泉響虛籟

遊石嶺巖洞

湯彬士 邑人

頑石磊砢亂突兀萬古前誰鑿山骨峭石橫排作屏風下有  
深洞黑羅剎遊人秉炬方敢前云是前代蛟龍窟初歷一洞  
尙虛豁漸進逾幽路較濶危磴幾級石髓滑陰風慘慘凜霜  
雪入眼恍惚生精靈蝙蝠驚飛去無形積水之深不計年游  
魚無目忘陰晴冷氣全欺炬光凌點點熠熠鬼燐青遊人力  
竭心骨驚深處畏進足自停當年蛟龍戰風雨穿山穴石留  
險阻相傳異僧求甘露探幽曾一窮步武我意未盡興勃然  
既出更跨層石巔捫苔刻壁書詩篇山靈我欲共千年

五言律

題湯周山

唐 失名

湯周二大仙廬此得昇天風俗因興廟春秋不記年錦雲張  
紫蓋琴溜瀉鳴泉丹竈猶存鼎仙花發故園

贈仰山慧度禪師

南唐 宋齊邱 邑人

初聞如自解及見勝初聞兩鬢堆殘雪一身披斷雲道應齊  
古佛高不揖吾君稽首清涼月蕭然萬象分 采嘉定志補

題高城雪堂

宋邑 祝 勛 三衢人

築室煙霞窟門開紫翠堆真成雲挽住不爲景催回山月窺  
簷入溪風掠坐來爐薰兼茗飲淨拂綠琴埃

自題樂隱軒

元 譚 觀 南昌太史

一徑營門曲重簷壓路危杏花村店酒楊柳野橋詩地暖鶯  
來早山深雲出遲雨餘動東作旋鑿蔭田池

歲暮田事畢農談相往來茶香冰澗水詩思雪村梅甕熟菊  
柴酒盞深楮袖灰陽和露消息東作又相催

錢塘贈黃子中還江西

明 王 禕

逆旅暫攜手東風拂面塵乾坤戎馬日江海別離人歸路鄱  
陽外躡愁浙水濱歸哉倍珍重行勿負蒲輪 采西江志

無垢院

龍 儀 邑人參政

古刹名無垢禪宗一派真佛演前朝像僧分三世身囂淨渾  
忘相醒迷可問津領得西來意涵空轉法輪

靜樂軒

易 節

高懷絕塵想習靜棲幽林寧甘元默處肯與喧囂尋止水見  
初性澄潭諧素心樂茲足自養千載希其音

桐岡書屋

楊士奇泰和內閣

桐岡白雲淨中有讀書軒竹色清依檻波光綠繞門吟詩暢  
餘興把卷詠微言亦有幽棲者時來共討論

崇信寺

彭澄邑人知府

城西南郭寺崇信幾經年市近塵猶遠門深路自偏鐘傳千  
佛韻香繞萬家煙誰識浮生夢談空覺皎然

遊謝山

彭箋古邑人府經

躡足謝山上肩輿路幾程殘花四五樹啼鳥兩三聲雲向山  
腰起人從樹頂行羽流如有約兩兩路旁迎

次張明府遊淨安寺韻

龍玠邑人知縣

促席坐繁陰雲林積翠深笑談傾蠟蟻唳響山禽吟眺舒  
酣思閑遊禪賞心高陽舊時侶公暇一登臨

贈藍近山學博

珏

李一德

北闕除書遠南溟振鐸賢衣冠餞洛澣簫鼓度瀧川雨滿枕  
柳暗風輕翡翠妍青甌多暇日應理舊時篇

淨安寺

宋九儀

淨域臨江澣僧堂瞰石門風雲隨去住鐘鼓自朝昏天棘閒  
秋色蒼苔剩路痕猶懷元閣草燈火夜深論

參江西詩徵改

龍江雪霽

楊遇用邑人

雪色開江浦晴曦動曙天平蕪涵宿澗野樹破寒煙一水浮

光轉千峯遠翠連南來數行鴈搖曳白雲邊

翠巖亭小集分得蓮字

楊遇用

別業臨江渚幽尋一逕遙池魚依凍藻籬雀戀寒條酒伴林中暢茶煙竹外飄醉餘凭望處隔水見歸樵

翠巖亭小集分得光字

張汝誠 邑人

路繞青山曲亭孤綠水旁風帆懸晚照沙鳥覩寒光谷口終耕鑿潦梁儘坐忘當尊裁白雪吾輩總高陽

遊東樵書屋

周業孔 安福知州

車馬全非郭煙雲半是村雙池平抱戶一徑曲通園柳色搖書幌梨花落酒樽七年經史意重得細評論

謝山靈應觀劉長者讀書堂

劉芳譽 邑人

厭俗橫青眼尋幽陟翠微門深鎖蘿薜徑滑翳苔衣含霧書堂寂迎風崖樹欹雲關鐘磬裏拂石坐忘機

題蕪巖寺壁

郭孜仁 邑人

古寺依城僻重來路不迷山川春日麗殿閣野雲低老樹空堂色幽禽對客啼秋風如再過擬向此中棲

贈萬載令范抑庵

國朝 史大成 浙江狀元

撫字朝廷意催科好酌量遙知民力竭應不異吾鄉亂後花州在公餘荔子香殷勤能愛惜風雅卽循良

自瀏陽還萬載

史大成

青霜三日曉微雨萬山東澗斷危橋度峯迴遠徑通僕夫移  
樹杪煙火出雲中行路難何有歸思逐雁鴻

遊翠巖亭

張日豫 邑人

禪室臨洲渚巖亭擁翠開祇園闕世界方丈小蓬萊獨鶴穿  
林去孤僧採藥回圖書今尚在畱共曉猿哀

遊新庵

張日豫

倚杖崎嶇裏半山印壑連結茅依古木春水引寒泉鳥道藤  
蘿織僧居煙雨懸雲堂深處磬空谷一聲傳

宿周家市山庵

邑令吳自肅

不是偷閒步胡爲到此來逶迤尋徑入剝啄始門開匹馬荒

村暮孤行寒雨催懸知今夜夢定在白雲隈

月臺山寺

邑令常維楨

香刹山城近庭階盡碧苔雲凝千樹合風漾百花開入院知  
僧靜聞鐘見鳥回莫愁歸路晚自有月明來

采陳府志改

其二

常維楨

花間幽徑滿風動野雲過五夜鐘聲近三秋客夢多紅樓迎  
翠竹白鳥啄青蘿已悟浮生事老僧意若何

秋夜之藍田

常維楨

山徑行來晚一灣月掛西竹交疑路斷星密覺天低溪水三  
秋淨村雞半夜啼白雲含露冷何事未尋棲

讀書莊嚴院

辛金振 邑廩生

不從塵市擾築墅傍莊嚴梵唄演高閣天花拂畫檐溪迴萬井合雲繞數峯緘讀罷追遺響蟲聲已度簾

重過莊嚴院

辛金振

憶昔讀書處巍峩古殿齊棟摧迷蔓草砌冷躍莎雞莫辨風旛動徒窺雲鳥低我生非幻夢陳壁且留題

題鎮龍庵

張列辰 邑人

白竹勢龍從凌霄有梵宮雪棲禪榻冷月映佛燈紅白鶴巢珠樹青獅絢寶甃心空塵自遠說法可降龍

夜讀半雲庵

宋希陳 邑人

漏滴催幽客殷勤意最真燈孤惟有我僧定若無人斗室含虛白疎林散幻塵一番風雨過庭草又生新

題莊嚴寺壁和郭孜仁韻

辛金洧 邑人

七寶何年建門幽覺徑迷欲求芋魁熟但看石頭低山斷雲飛續林空鳥倦啼個中尋了悟為假一枝棲 從家集定本改正

龍河書院卽事

魯鴻

別業依城北蕭然水石間有時招月醉盡日看雲閒煙雨門前渡牛羊屋上山隔林聞犬吠鐘定覺僧還

吏隱吾何敢山林興未輸談經淹日月行路識生徒亦有榛苓夢其如松菊蕪故人重勸駕懷古意躊躇



高峯寺訪慈茂禪丈不遇

郭大鼎 邑人

遠公緣不遇絕境足初經竹懶迎風動雲癡度壑靈怪禽人  
對語幽澗水搖鈴惆悵尋歸路回看一抹青

紫蓋峯

辛文彬 邑人主事

古寺嵐光滿寒陰積未晴青松含雨意綠竹助風聲春暮花  
仍放山空鳥自鳴悠悠澄俗慮鐘磬有餘清

西屏山寺

辛紹業

喬木蒼邊合新秧夾路長

寺內稻畦數畝

禪扉人寂寂經室梵琅琅

幡影看臨砌鐘聲不過牆  
淡然銷百念鼻觀旃檀香

五言排律

謝真人還舊山

唐 范傳正

塵蓋來仙府笙歌入舊山水流丹竈缺風起草堂闌白鹿行  
爲衛青鸞舞自閒種松鱗未老移石蘚仍斑望路煙霄外迴  
輿嶺岫間笑他遼海上空見羽衣還

康樂風景

國朝 常維楨

溪澗西江接峯巒南嶽連邑荒城落鴈市寂院啼鷓雉堞藤  
蘿絆羊籬橘柚編山中多鹿跡竹裏少人煙密雨常經月淒  
風更接年喜邀高嶺入恨速夕陽偏桂實秋深結梅花春到  
翩官貧無宿米民病半蕪田棄葛空締綵遺桑擲繭綿蒼茫  
難自慰長嘯獨生憐

石庵

常維楨

石洞危巖下琳宮峭壁前高岑惟鳥過幽徑獨僧旋鐘度長  
松老風吹嫩竹偏磨麈不避客嵐霧只迷天秋有飛鴻報春  
憑杜宇傳雨來千澗滿雲起萬峯連應是鴻濛日神令鬼斧  
穿

常侯別墅

宋希陳

康樂荆榛闢委蛇三徑開哀鴻今慰矣馴雉日悠哉杜母與  
情協潘花滿縣栽公餘惟飲水乘興便登臺環戶蕉抽綠侵  
階露濕苔垣低迎月入庭厰任風來鵝嶺當窗矗龍河繞帶  
洄敲詩不讓李步雪獨宜梅不假簪纓氣居然鳳閣材佇看

丹詔下移座向三台

舊志誤編入五古今釐正

七言律

雲蓋山泉

唐

廩

萍鄉正字

危嶠高高幾十層梵王宮裏一泉澄引來石竇明如玉瀉落  
山廚冷似冰淨影不關秋賦客清音時警夜禪僧從茲洞口  
潺湲去勢入滄溟豈可仍

采嘉定志補

獻江西鍾令公

劉望

負笈蓬飛別楚邱旌旄影裏謁文侯卽隨社燕來朱戶忽聽  
鳴蟬泣素秋歲月已嗟迷進取煙霄只望怨依投那堪思切  
溪山路家苦簞瓢淚欲流

采嘉定志補

宿萬載廣慧寺

宋 黃庭堅

鴉啼殘照下層城僧舍初寒夜氣清風亂竹枝垂地影霜乾  
桐葉落階聲不遑將母傷今日無以爲家笑此生都下苦無  
書信到數行歸雁月邊橫

諸志俱作張謬題崇信寺詩此從  
嘉定志按山谷集赴德平作

逍遙閣

洪 炎

傑閣龍樓倚翠微中秋午夜望清輝桂枝委地三千尺柏影  
垂壇四十圍簫鼓或疑風雨下雲霞猶想錦帆飛只今井臼  
依然在不見歸來丁令威

采通志補

送張元直令萬載

謝 諤

嘗抗封章奏九重忠言讜論動宸衷合從京國陪諸彥先向

江鄉宰一同聯事每思天咫尺愛民常見日冲融如公人品

非凡器想在黃扉手記中

采嘉定志補

建城道中

呂本中

建城南路入袁州怪石縱橫水亂流盡日衣冠足圖畫百年  
心跡在林邱中原未起重歸興胡馬能令此地憂浪迹江湖  
亦吾分運籌帷幄有留侯

采嘉定志補

靜樂軒喜成

邑分 張 謬

山縣爲官不見山一朝列嶂忽當關抽身牒訴時舒眼領客  
杖藜聊解顏常樂本來由我靜倦飛每爾愧知還莫嫌邑小  
仍兼陋曾有涪翁賞是閒

送龍南歐陽縣尹

元黃潛

絲綸閣下半同袍，獨上南船去莫招。  
出宰不嫌官俸薄，過家未覺驛程遙。  
長溪白石晴雷轉，深洞黃茅毒霧消。  
想見行春有佳句，坐令遠俗變風謠。

采通志補

賦得越王臺送萬載敖司令之官

郭鈺

吉水

層臺高與越山齊，南斗諸星入地低。  
海氣秋澄鴻雁到，野煙春合鷓鴣啼。  
官船北走輪珠翠，幕府南開振鼓鼙。  
側想到官多暇日，登臨長聽玉驄嘶。

采西江志補

和寄龍長史

郭鈺

扇外風塵素不干，湖光遙送酒船寬。  
錦箋傳草春詞好，銀燭

燒花夜枕安四海，交遊空老大百年。  
世事半悲歡，子真谷口

深相憶，黃獨無苗風雪寒。

采元詩選補

憶樂隱故址

譚觀

朝暉初斂夕陽收，雲自無心水自流。  
縱飲直將杯似海，臥遊聊以屋爲舟。  
橋分草色斜通寺，樹罨山光半入樓。  
歸隱始知閒是樂，誰人肯向此中求。

參江西詩徵改

歸石門山居寄胡志同

梁寅

一別鍾陵音問稀，金門應召燕鴻違。  
江湖屢涉詞人老，書劍猶存遠客歸。  
春雨刷苓思養病，秋風製芟可爲衣。  
暮年情味還相似，幾誦停雲思欲飛。

采西江志補

被械寄家弟

龍

鐔

邑人  
長史

一陣西風破鴈羣兩年消息未通聞祇圖宦達從先進豈料  
才疎負聖君黃壤好將收白骨青鸞無復駕紅雲信知秋雨  
梧桐後剪紙招魂誦祭文

按長史畢命時佩帶自銘云捐生固殞弗事二主別父與  
弟忍慟肝腑盡忠爲臣盡孝爲子二端於我得於一所衣  
色形骸歸於故土

悟元樓

龍儀

祥雲渺處異香飄百尺巍樓構紫霄鶴響應知天路近鸞乘  
那見玉京遙陰陰翠柏傳天籟冉冉元風引洞簫獨羨紫微

居勝閣幾班仙侶任遷喬

題廣報觀

易節

翼翼仙宮傍紫霄玉皇香案御煙飄天河倒浸星壇近風露  
寒生月殿遙琪樹枝頭巢鸞鸞碧桃花裏聽笙簫倦遊欲學  
長生訣且向雲房覓子喬

送劉迪誠判通州

易節

同步青雲折桂香復聯珂珮待明光判州已喜花生筆行卷  
驚看錦載囊京國十年交誼重河梁千里故情長黃堂到日  
多清簡好寄平安字一行

桐岡書屋

彭

昶

邑人  
御史

幽齋虛敞遠塵氛滿架牙籤漫討論涼沁綠陰松入座暉分  
翠色柳環門晝閒當午琴三奏賦罷清宵酒一尊訓子已能  
酬素志殷勤會見課諸孫

題泰和觀

秦舊昂

迢迢仙境若難尋身到蓬瀛小翠岑梁棟倚天香霧合闌干  
傍日曉光臨碧桃紅杏千年實翠柏青松半畝陰重沐相從  
情思好更煩揮翰寫清吟

前題

張益謙

邑人  
教諭

仙真昔日記曾遊遺迹如今幾度秋宛若瑤池環翠水空疑  
蓬嶠在丹邱風雲上接元都界星斗遙懸紫綺裘白鶴不歸

丹竈冷屢迴延月轉西樓

綠陰池

何文淵

廣昌  
侍郎

松竹森森繞屋栽綠陰池上講堂開夜深燈影波中落晝靜  
書聲樹底來煮茗掃殘三徑葉敲詩踏碎半庭苔居人久作  
黃門客耿耿文星照上台

前題

高

穀

直隸  
侍講

重重嘉樹印芳池池上曾開舊講帷滿地綠雲經雨散一庭  
蒼靄任風吹蛾翻燈影飛來早鶴聽書聲睡去遲最是可人  
清意處落紅香絮總成詩

題廣報觀

郭

瑾

邑人  
侍郎

巍峩樓觀聳層霄凜凜天風六月飄香裊金爐仙仗肅簾開  
寶閣畫圖遙紅塵不到閒丹竈彩鳳長鳴叶洞簫試問大還  
回首處滿懷歸思出林喬

輓劉處士

李時勉

女福  
祭酒

藜閣雲孫世共誇林泉幽隱老煙霞門前種竹惟三徑屋裏  
藏書過五車舊友每尋陶令宅行人猶問鄴侯家朔風蕭瑟  
空齋冷惟見梧桐幾樹花

贈別郭邦器給諫

艾廣

永豐  
大池

幾年簪筆侍明光此日焚黃思甚長薊北秋風雙去旆江南  
雲水一歸航青蘋幽薦元堂遠紫誥兼承御墨香別後重期

何處是春風聯珮月蒼蒼

贈李蘊素之任汀州

萬安

眉州  
詩講

玉麟遙捧向臨汀五馬翩翩喜氣生斷鴈謾添分袂恨東風  
偏稱過家榮官陞已協三刀夢政洽還聽五袴聲見說謝公  
樓尚在陳軒佳句好重賡

前題

黎淳

華容  
尚書

當宁安民任老臣近承遷秩寄專城春隨畫戟朱旛遠秋共  
丹山碧水清聚散每懷金殿直循良都是玉堂情到時莫說  
終爲郡尙有三台待爾平

弔元翰林譚觀樂隱

張元楨

南昌  
香坊

雲擾中原幾屈伸，碧山何事解簪紳。  
溪邊恍似桃源路，巖裏猶疑晉代臣。  
翰苑久無金馬夢，草堂聊與蕨薇親。  
焚魚豈爲逃矰弋，龍戰龍飛蚤繫神。

遊九仙宮

陳

璨

海陽邑令

幾年間說元都境，此日登臨興轉深。  
白晝井寒龍吐霧，黃昏煙暝鶴歸林。  
道童熟煮爐中藥，仙客橫彈席上琴。  
却憶避秦人去遠，茫茫世事古由今。

風雲古寨

黃

景

上高侍郎

峭壁懸崖萬丈餘，將軍前此駐旌旗。  
星移物換乾坤變，風起雲揚草木悲。  
勇烈獨看形跡在，英雄千古令名垂。  
興亡一任

循環數保障，雲城永不移。

坤山夕照

龍江八景錄一

黃

景

落霞散彩映簾櫳，欲墜金盆嶺面紅。  
鳥雀入林青嶂外，牛羊歸路碧煙中。  
酒帘處處收餘暝，砧杵家家動冷風。  
最苦無情烏兔急，遞相催老白頭翁。

寓靜安寺書壁

嚴

嵩

分宜內閣

山城下馬對寒松，古寺重門一徑中。  
林靜已知巢鳥定，月明初覺梵堂空。  
驚傳警鐸敲殘夢，愛聽絃歌振古風。  
却歎此身渾似寄，萍蹤明日又西東。

遊九仙宮

嚴

嵩



鶴馭鸞駮去不還千年遺跡在人間應隨絳節朝金闕尚隱  
丹爐閉竹關福地煙霞元不改洞宮雲水自長閒無因得問  
長生訣乞取刀圭一駐顏

前題

知府彭澄邑舉人

黃子求仙轉九還尚留丹室寄人間諸天雲外連三島萬載  
山中關一闕翠竹停鸞煙霧隔青溪飛鶴洞門閒昔年假館  
曾舒卷今日移尊欲解顏

幽隱自吟

張樂邑人

綠水青山是舊家種桃溪畔記年華招來仙侶因繁實勾引  
漁郎是落花欲向門前植楊柳何如野外樹桑麻早輸公賦

供王事剩得閒身盡五車

重過靜安寺

龍愚卿邑人學正

趁逐年來訪舊林上方隨起翠微陰和風梵宇疎櫺透皓月  
禪房曲徑深三世種緣聊暫拔一經揮塵自須尋松窗蓮榻  
重相過細與山僧話古今

翠巖亭

吳山高安尚書

翠巖宛在龍江上占斷青山萬疊幽泉石座開成一笑乾坤  
高處著雙眸紅塵不到亭常靜明月來時夢正悠老此巖居  
何所事清風千古說巢由

贈彭水部

吳山

美君今作治河使却憶扁舟共濟時寒夜客牕頻過酒中流  
擊節並哦詩風塵擾擾原無定松柏蒼蒼久自知結綬彈冠  
如可慶青山綠水更相期

前題

張

春

新喻編修

四郊煙雨馭輕雷水漫河橋畫鷁催聖主正須經國計使君  
應是濟川才湖山杳靄開淮甸雲樹霏微接楚臺莫道坻京  
郡邑盛年年憑仗萬艘來

送宋培節還康樂

范

欽

浙江知府

秦淮秋日錦帆開江上芙蓉伴酒杯天府蜚英稱弱冠帝鄉  
作賦見雄才星隨使節南昌遠日計征途北斗迴歸到重陽

無別眺仙郎高築讀書臺

送伍給事謫萬載丞

湯顯祖

臨川主事

年來清奏出陪京每向秋江送客行給事舊從關令尹爲丞  
新失漢公卿星通百粵蠻差少地接長沙溼較輕自是世情  
能物色不妨黃綬去逢迎

遊九仙宮

鮑紹湯

邑人知縣

冉冉乘雲竟不還驚傳紫氣在人間稚川雞犬留丹室緱嶺  
笙簫度碧關一沼洪深春不斷千家隱見洞常閒徜徉此地  
仙蹤杳玉蕊峯頭挹笑顏

前題

知縣

辛圖猷

邑舉人

蓬萊宮闕寄塵寰鶴筆蹠蹠霄漢間寶殿瑞煙通玉殿竹關  
紫氣出函關簫臺鳳去雲陰冷瑤樹風清月影閒一別千秋  
誰識面何須大藥駐朱顏

畢侯祠成

張紹渠

邑人

六載披星理僻鄉僅惟一水飲龍江買牛給種桑麻盛捐俸  
空囊豆粥香化被綠林荆棘淨春融鬢序李桃芳遮留借寇  
知難挽遺愛千秋寄召棠

康樂橋

張紹渠

兩岸青山擁石磯長橋跨水鎖江扉墩侵浪裏陽侯宅樓礙  
河邊織女機古柏烏棲啼夜月垂楊鶯語戀朝暉謝公祠外

行人渡應望龍光拜袞衣

前題

劉芳譽

邑人

彩虹長臥碧灘頭傑閣凌虛四面秋古柏枝高巢鶴穩空江  
日落暮帆收千年夢草人何在一片浮煙水自流獨倚危闌  
傷往事白雲相對思悠悠

前題

鄧繼耀

邑人

謝家春草賦江東此日津梁駟馬通百丈虹光亘地軸千層  
錦浪蹴天風帆歸小市官亭驛旛拂靈祠古柏叢煙路牛羊  
喧渡口迴瀾猶頌濟川功

過謝公祠

劉芳譽

古廟幽沉瞰卓峯山雲長擁畫朦朧年深樹杪盤蘿薜地迥  
書臺長葦蓬斷碣無文消古字乞靈有客扣晨鐘夕陽幾度  
明簷屋疑是仙來駕彩虹

自題雅人之居

喻懋敬

邑舉人

光中現影幻和真習靜觀空自不貧鳥話天機明牖我花呈  
生意嘿提人倦來欹枕清無夢醉去揮毫妙入神燕處超然  
長自在風光不竭四時春

策篁館有懷

譚嘉猷

邑人

自憐肺病未曾蘇且向深林獨據梧亂木風聲隨遠近空階  
草色自縈紆謾言五嶽真禪客仍是高陽舊酒徒縱使悠悠  
俱白眼寸心還與月同孤

中秋日偕友遊西庵

楊遇用

撫景秋中強笑顏聯鑣尋樂踏松關細聲樹杪風吟葉霽色  
窗前水映山蛩響寒階僧自定薛畱雲徑客常閒那知身世  
俱成幻一任蓬鬆鬢去斑

飲林家渡

張汝誠

小市臨江盡日幽偏宜酌酒對江流遊人眼醉春花媚賈客  
船來晚照收興擬濠梁還自放心同谷口亦何求孤城新月  
看初上更載清尊泛剡舟

輓龍德剛長史

長史

劉本彝

玉樹經秋事已非  
臨風不覺淚頻揮  
一朝遺世心傾日  
百代留名血染衣  
雲暗楚天仙永逝  
月明華表鶴空歸  
鶴鶴原上飛  
鳴急讀罷應知儔侶稀

前題

沈葆  
吳興人

天命陰移事已非  
孤忠有淚向誰揮  
抗師豈爲全忠計  
就逮何辭濺血衣  
骨返龍江蛟欲吼  
氣浮紫蓋鶴來歸  
卽今日月還依舊  
惆悵先生絕調稀

前題

王國斌  
宜春人

定論千秋有是非  
英雄血淚不須揮  
綱常大義堪維世  
忠孝餘馨尙襲衣  
介性豈思天意改  
游魂多逐月明歸  
稜稜生氣今猶烈  
不負君親宇宙稀

題廣報觀悟元樓

邑令 韋明傑  
烏程人

西郊飛閣上千霄  
卓劍仙風奕世飄  
古木龍從環界繞  
羣峯縹緲望中遙  
雲封石屋留丹鼎  
月滿空庭聽紫簫  
漫自登臨舒阮嘯  
冷然出谷恍遷喬

遊紫霄宮

王若棟  
邑人

言尋郭外喜相招  
步入仙宮近紫霄  
影落空壇松色古  
寒生深殿柏陰饒  
地偏迥覺塵緣斷  
心遠渾忘市氣囂  
倘得三花猶未落  
終期宗遠訪逍遙

前題

龍兆禎  
邑人 知縣

危樓高倚碧雲霄，爽氣朝來玉殿飄。  
琅象細參元覺近，金經頓解悟非遙。  
彩雲未散燒丹竈，紫炁長流遶洞簫。  
不盡登臨今古意，還須世外訪王喬。

前題

鄧文輝 邑人

高樓積翠矗層霄，道氣仙風奕世飄。  
滿殿煙霞丹竈古，三峯福地紫微遙。  
乘牛東度開金鑰，跨鳳西飛品玉簫。  
欲覓葛洪勾漏令，緱山那得會王喬。

高岡雅詠

張壽朋

人中巢許自衣冠，不愛華軒愛考槃。  
帝女瑤臺雙鳳起，仙郎桂樹五枝攀。  
青山雅足供棋局，白日何須問羽翰。  
况我入公招可致，定將鴻寶授劉安。

筆架山

馮其桓

綠滿平蕪石一拳，微分數罇筆牀偏。  
不從萬疊迴巒出，獨與千秋泮水連。  
山樹影臨毫散穎，江霞色映彩飛箋。  
文閭再有松煙染，指顧鼉磯錦硯圓。

春遊新庵

馮其桓

駐馬深山萬綠中，鷓鴣啼處杜鵑紅。  
石鳴春澗泉初急，花隱晴巖香暗通。  
樵徑草深朝過雨，僧房衣冷晚多風。  
年來遊倦思肥遯，徙倚禪關思不窮。

康樂風俗

陶式金 會稽

瓦白家家似帶霜茅柴水酒徧村鄉士衣布褐雲鞋淺女插  
荆釵蟬鬢長五月稻梁登野圃三秋瓜果足山庄池魚宴客  
隨投網不似人間逐逐忙

課農

國朝  
邑令常維楨

長夏循行徧隴阡村村頻囑莫貪天晨須藿食趨田早晝勿  
松陰枕石偏月落記牽門外犢雨深休洩澗中泉課餘暫息  
垂楊下多少兒童聚馬前

遊月臺禪院

常維楨

纍案盈函亦自清同人約步出孤城石苔巖下承趺坐山鳥  
林中雜梵聲雨過萬峯青髻出香浮一院白雲輕年來撫字

知無術爲愧河陽花不生

早秋勘荒宿新庵

常維楨

沿流投止見禪關修竹千竿屋數間僧向溪邊倚石坐鳥從  
谷口伴雲還低垂綠樹迷幽徑遍起紅霞繡暮山豈是閒遊  
恣信宿循行只爲惜民艱

贈義學汪生映極

常維楨

濂洛真傳首豫章於君今日道重光席榮臯比非爲僭帳列  
笙歌未是狂分俸自慚山邑小從游敢托簿書忙喜看時雨  
均沾化漫道文翁守蜀疆

九日登月臺山有懷

汪映極 邑人

楓樹凝丹落葉忙  
飛飛細雨送輕涼  
山猿哭抱空枝瘦  
塞雁聲催野菊香  
世事堪愁愁不斷  
物情若夢夢偏長  
橫塘弱柳門前老  
那是當年醉客場

題石庵

郭遠

邑人

岩龕拾級上方通  
石屋嶙峋瞰碧空  
峭閣連雲蒼靄裏  
疎簾捲雨翠微中  
葱葱檻竹浮佳氣  
謾謾巖松嘯晚風  
好景牽懷恣幽賞  
幾回飛鳥歎飄蓬

次郭遠同常父師遊大尖峯韻

宋希商

邑人

嶂峙尖峯勝玉林  
中藏古剎護濃陰  
樹雲山色一屏畫  
蕉雨溪聲幾曲琴  
松落鳥啼煙帶遠  
日高僧話雨花深  
無邊好景

難都覓且看先賢駐蹕吟

九日登靈鷲院訪僧

辛

礪

邑貢生

九日尋僧到上方  
蒼顏白髮不尋常  
水流石澗龍歸鉢  
花轉牆陰蝶繞廊  
數卷楞嚴消永晝  
一簾風月任徜徉  
攢眉欲效陶潛別  
衣袂飄飄風露涼

秋日遊明覺寺

辛

礪

策蹇乘遊興未闌  
偶從騷客到旃檀  
數灣流水通泉急  
一派疎林掛月殘  
佛古應同黃菊瘦  
僧高喜伴白雲閒  
我來問道無多語  
雲在青天水在山

步月南浦樓

何士傑

邑人



一溪碧水靜無聲兩岸風蟬帶露鳴明月移秋雲入岫荒山  
傍晚鹿投城萋萋茅屋陰蘿掛寂寂柴門埜蔓生猶憶當年  
啼鳥處戎衣千騎佩刀行

登紫蓋尖

辛金振 邑人

岩巉高聳碧雲寒覆蓋凝輪紫氣闌峯險盡如回雁嶺溪流  
不減釣魚灘日翔海角天邊小雨過山腰頂上乾聞道仲初  
避世處空留蘭若倚危巒

遊丁田橋

張日豫 邑人

草色青青陌上深馬蹄帶露踏輕陰斷橋水港荒煙度古刹  
苔垣冷雨侵幾處犁鋤忙綠野數聲雞犬隔疎林隴頭試問  
春多少點點桃紅泛水心

憶遊石庵

宋希陳 邑舉人

曾度蠶叢入洞天磷磷澗石咽清泉不須巧匠揮斤斧自有  
瓊花傍几筵古寺雲閒橫古樹新篁風發擺新煙遠公一笑  
渾如昨何日重來問大還

暮春遊竹山洞

張鏊 邑人

怪石層崖護竹山洞門虛敞幾重關春深草蔓階長綠雨鑄  
苔錢地滿斑水冷雙溪沙畔古風香數樹碧桃閒從今得箇  
清幽趣欲識仙凡舉步間

宿翠巖亭

辛顯 邑舉人

翠巖深處上方家古木參差一徑斜石倚坐間生異草泉通  
竈下試新茶環池飛動含風閣到岸逶迤逐浪槎夜半聞鐘  
塵慮淨羣僧競起覓袈裟

都門春日雜憶麝腦山房五首

知州龍鳳祥  
邑舉人

憶與青山別幾時水雲猿鶴結相思  
牕前草莫輕除也架上書須勤晒之  
萬里塵緣行債惡三年夢想旅魂癡  
山靈休怪來歸晚題壁紗籠未有期

石室何人起大觀渠渠終古不勝寒  
嶺頭雲木霜根皴洞口茆亭月露溥  
久別名山憑夢到每思舊友取書看  
時名謝得從吾好金碧潭心把釣竿

古洞別開天一重出山曾倩白雲封  
等閒應有鸞禽語湛寂更無車馬蹤  
銀寨苔生眞面孔泉塘水鑑老心曾  
遙知洞主歸來日叢竹巖前又化龍

橫截山腰開局面直撐洞口卓簷牙  
神斤鬼斧天人地穴處巖居伯仲家  
鷓嶺有田分鶴料龍潭無路透牛車  
珠崖翰墨清香水活火新烹蒙頂茶

山深無日不煙霞想被春風處處花  
傍戶燕雛明教子過牆竹筍暗分家  
常時獨臥神猶往幾月纔離眼亦斜  
題破終憐無著處且沽清酒酌京華

筆架迴瀾

辛文彬

曾聞椽筆夢奇觀石架天然水際蟠色麗珊瑚光翰墨香漈  
芹藻襲衣冠璇源細織澄江練砥柱中分學海瀾長傍黌宮  
標勝概何人文藻重詞壇

石筍凌空

辛文彬

霹靂何年裂石嶽嶙峋巨筍迸厓中孤標不受風霜蝕終古  
還疑節目空玉版孰參真妙旨靈根長護藉神工莫誇解籜  
能成實勁質羞儕集鳳桐

釣魚臺

盧爾洛 邑廩生

山迴岸曲翠屏隈怪石江臯擁釣臺映碧潭空懸倒影瀕涯  
水落長新苔忘機跌坐朝還暮任意垂綸去復來髣髴富春

漁隱地清時頻起渭濱才

桐溪灣

盧爾洛

涓涓一曲赴桐溪繞麓穿涯石壁西澗底游鱗時隱見巖前  
飛鳥倏高低小橋谷口灤洄抱長堰陂頭去住迷知有問津  
人未至碧梧看取鳳凰棲

龍龍山祠

辛燈元 邑歲貢

大節當年孰可攀後人追號擬龍山秋風烈士相憑弔月夜  
忠魂自往還下邑專祠今特立東鄉議卹早相關袁山並峙  
幾回首扶植綱常振懦頑

龍河晚渡

鄧斯沂 邑舉人

夕陽斜映綠楊紅喚渡人來認短篷一棹水痕城郭外半江  
煙景畫圖中漁翁罷釣歸新浦騷客沾春醉晚風古寺鐘聲  
催月上忽忙影散各西東

鵝峯聳翠

辛炳晟

看山青眼夫如何鵝鼻峯尖拄頰多秀裊東旗幽入漢蒼分  
小嶺瘦垂蘿騰身駐節優頭領浮翠經年出澗阿更指澗陰  
相接處末山深伏待陽和

龍河晚渡

辛炳晟

江干斜照豔丹楓滿目飛鴉繞樹重暝色十分臨近岸行蹤  
一樣鬪歸容寒煙馬腦山前棹深竹涼亭寺裏鐘送盡朝來

城市客繫舟畱渡水中龍

小嶺樵歸

辛炳晟

東臯薄暮白雲遙羣下危峯驀澗橋落日半肩人近市秋風  
一徑鏗橫腰都將好夢忘占鹿誰學披裘笑傲貂穩有青山  
消不盡勞歌談道解憑超

石筍凌空

辛炳晟

何來斗絕奮奇峯踴躍龍山黑子中出地幾曾驚圻偏著鞭  
突欲碎虛空雷風咫尺猶難定袍笏商量總未工根到九泉  
終勝竹枝生浪說半生桐

龍江泛舟

辛啟泰

洲環錦水碧迢迢古渡人來唱六么畫裏江亭依晚照鏡中  
煙樹落長橋波含扇影魚還咳渚漾旗風櫂自搖兩岸疎鐘  
雲壑靜鳧鷗散處想清標

坤山夕照

國朝邑令周澍錢塘

城闌西去見坤岡恰好郊行趁夕陽嶺外飛來孤鷺白山凹  
露出遠峯黃鹿柴鳥散煙初曠牛背人歸影倍長萬丈霞光  
烘晚景攜筇獨自立蒼茫

湯周雪霽

周澍

擬向湯周訪謫仙殘冬冰雪一年年難尋鴻爪畱泥蹟又是  
鵝翎送鵬天洗盡塵埃歸大澤空色相悟前緣袁眠戴隱

尋常事翹首清風獨悄然

五言絕句

登祝融峯

南唐李徵古邑人

欲上祝融峯先登古石橋  
鑿開巖險處取路到丹青

采南唐近事補

記萬載風俗

宋蔣之奇

居民覆其屋大半施白瓦  
山際兩三家如經新雪下

官酤米爲麴釀出成紅酒里  
社醉豐年便是宜城酎

田中多峭石蒼玉亂欹斜  
怪似湘中見封域近長沙

舊志作謝謬詩

誤編爲五古一首今改正又李府志陳府志安通志俱作  
祖無擇詩此從嘉定志

寓崇信寺宿僧如晉禪房

明府陳輅高要舉人

禪關留幾日風雨過西堂老衲渾無事頻來炷博香  
漠漠山城暮秋深寒氣生江村煙雨裏遙望不勝情

廣報觀閒步

聞應期

邑舉人

百里山河外孤城雨雪中遷鶯猶未起應是待春風

過坤山

喻應魁

邑人

露冷蛩聲急雲寒雁影偏蕭疎秋滿目斜日半山巔

登龍河城樓

喻懋敬

邑舉人

谷窾風吹萬江天月印雙巍樓觀四達遠秀入虛牕

靜安寺

喻懋敬

月照燈殘後鐘鳴夢醒初虛堂無法說默坐契真如

翠巖寺

國朝魯鴻

古寺遙臨水招邀得此君梵聲與清磬疎冷入秋雲

六言絕句

龍河晚眺

魯鴻

芳樹落霞綺麗淡雲將雨清酣逢望海鴻歸去聲聞江北江

南

七言絕句

辭南平鍾王召

唐僧旻章

摧殘枯木倚寒林幾度逢春不變心樵客見之猶不採郢人  
何事苦搜尋

次萬載

宋 蔣之奇

碧嶂千層附城出清江一條穿市飛聞說當年謝康樂雲間  
雙屐去忘歸 采嘉定志補

萬載道中

知府 阮 閱

謝家山下雁聲中道上逢僧問上功名 寺 漠漠雨絲千萬縷織

成煙素靄秋空 采嘉定志補

萬載縣

阮 閱

門橫路斷竹為籬雪色漫漫瓦屋稀黃領青腰墟市罷盡沽  
紅酒夕陽歸

寄題張氏中隱堂

鮑 同

當年蚤有菟裘意歲晚塵埃尙困予聞說龍江真可隱欲將  
餘日寄仙居

問舍知君困欲還才高那得臥家山由來甘井人爭汲却恐  
心閒身未閒 采嘉定志補

題春風亭

王克勤

舊時康樂庭前地今日春風更揭堂堂上詩情仍對酒妙於  
草色映池塘

愛民盛意醇如酒閭里遙知絕歎愁只恐天邊爲麴手趣歸  
清廟薦黃流 采嘉定志補

訪龍長史不遇

元 郭 鉉

鸚鵡窗深鎖翠寒松花不埽紫苔乾自將名姓題修竹延桂

樓前第五竿

采元詩選補

坤山夕照

明太常 吳節 安福

縣西有路過坤岡荆楚雲山入渺茫行客不須憂日暮幾枝

高柳掛斜陽

筆架迴瀾

吳節

巨石崔嵬架筆鋒千年長對素王宮試向雙虹橋上望詞源

倒挽盡回東

龍河晚渡

黃恭

清溪一曲抱龍江沙際舟橫水渺茫隔岸行人逢喚渡歸心

斷絕色昏黃

翠巖四時歌

知州 曾夢祺

誅茆結屋枕龍江勾引春光到小堂獨立東風塵夢醒杖頭

時帶落花香

博山添火裊沉煙石枕藤床午夢便棋子一聲山鳥去翠巖

偏覺日如年

巖桂浮香襲短袍黃花綠酒薦霜螯梧桐未老孫枝秀拭目

清霄有鳳毛

翠巖高聳玉峯寒人在冰壺眼界寬閒傍梅簷索春意未春

時節正宜看



漢源嶺莊

喻應魁

金鶯玉鶯綴青林水曲峯迴路轉深  
樵牧放歌花氣馥雲中  
雞犬武陵陰

靜安寺

鄭邦德 邑人 知縣

繚繞迴廊通碧殿密蒙繁樹蓋山軒  
白雲滿地無人到雨打  
松花落寺門

遊丁田作

宋良翰 邑人 通判

得意尋春曲徑賒山間好鳥和鳴蛙  
登虹疑是蓬萊窟收得  
春風兩袖花

瞻思堂

歐陽材 邑人 學正

重來廬墓倚斜暉雲鎖松楸欲掩扉  
一自蓼莪詩廢後有誰  
更舞老萊衣

過如是庵

袁汝祝 邑舉人

如來世界自清涼白晝談禪未覺長  
袂破個中無隱義木樨  
滿院放秋香

釣魚臺

在潭頭

潘全璧 邑人

蘆白沙明鶯宿飛桐江蟠水隱淪希  
一絲九鼎千鈞重謾向  
漁人話此機

水天別業

張汝誠

小築江皋架滿書水天澄徹浸吾廬  
晝長倦欲停披卷起見

忘機鳶與魚

獅巖

劉芳譽

獅踞巖空蹟尙留書巖人去幾春秋  
世間事物消磨盡惟有寒灣長對流

百歲作

張樂

石田茅屋野人家百番春風換歲華  
盡道長生緣辟穀不知香飯有胡麻

龍山晚眺

常維楨

斗大孤城隱夕曛亂山圍處碧流分  
炊煙一縷迷村樹何處樵歌出斷雲

清泉山小憩

常維楨

樹密鳥飛人不見杜鵑啼散暮春花  
隔林竹影搖溪水靜繞山村一一家

登紫蓋峯

辛 劖

偶上龍山第一峯禪關時有白雲封  
高人身在蓮花府隔斷煙嵐數十重

龍河晚渡

辛 劖

龍江城下水如梭尊酒論文幾度過  
無限風光波浪裏綠楊隱隱起漁歌

雲峯道中

宋希商

盛夏炎蒸按轡回雲峯迎我入雲隈無端風雨前邨過剩有  
餘涼馬上來 采府志

竹山洞

張 鏊

洞門虛敞幾重關怪石玲瓏水竹間滿地白雲春雨後風香  
數樹碧桃開 采府志

觀音洞

錢志逢

情懷半載未曾開此日公餘選勝來不是相逢賢處士怎能  
塵跡印蒼苔

問津先許叩柴關主客相攜一往還何日拂衣塵事了洞邊  
分與屋三間 采引玉集

前題

吳 游

螺旋一逕傍巖開可似青蓮托跡來長得此身觀自在落花  
紅雨滿蒼苔

洞口柴門不掩關採芝人去暮方還此中判有仙凡別相望  
盈盈一水間 采引玉集

夏日過月臺山寺

魯 鴻

康樂風流蹟已陳卅年手澤尚重新 寺有先大父通政公題額 老僧未解

沉吟意翠竹蒼松是故人

萬載山中追和同年辛景淳題壁韻

府教 熊日華 新建進士

風高鶴嶺羽書遲飲馬巖坡欲暮時十八渡頭飛鳥盡一緘

冰雪故人詩

庚辰秋仲遊上鄉各山

李榮陞

二龍行廟在昌田羽士無聞像就湮畢竟僧家憑藉得誰云  
神力怯安禪

昌田廟

有元鄉校盛江南下里生徒鹿嶽叅辛苦榮甥恢廟器祇今  
無路覓張巖

獲富

九州望祀各名山古往今來瞬息間尊甚秦皇秦記確無人

引義繕遺壇

秦皇山

晉世名流蹟可思襄陽建業往來疲彥威於此留貽厥蕪沒

書堂紹者誰

書堂村

正議不磨萬古傳正峯不缺一錐圓卓哉此筆尼山授漢晉

春秋綱目先

卓筆尖

拾逕就荒高脊平閣無人跡草綿生九龍長是貪雲霧漏出

金盆早脚明

九龍山

東面天梯不假攀身騰鼈背俯人寰剛風又迫南寮去徑熟

無憂行地難

王皮尖

過黃田庵懷僧子山

李榮陞

盼矚青巖引步遲嫩松披偃逕參差庵前桐樹苑相笑憶爾  
涼衫匝繞時

同穿霧雨半天行銀海遙連足底平轉過山腰雲似鶴凌空

還讓錫飛輕 風門凹

聚石峯巔萬法身  
祖師借力牧童勤  
高天雷輓徹根盡  
拍手遊僧更不嗔 煉魔場

飄零湖海夢重回  
泉谷生疎興未灰  
心洞暫教燃漆去  
髻峯還擬挂冠來

重過樂阮庵有感

辛文彬

細石蒼苔曲逕穿  
禪林重到記前緣  
道傍塔影清陰匝  
曾倚琅玕聽暮蟬

寂寂回廊鐘磬稀  
登堂疑是復疑非  
緣何十畝開金地  
換作田家白版扉

人間到處是滄桑  
燕麥兔葵怨夕陽  
轉瞬十年成夢幻  
莫將前度問劉郎

寶巖寺訪慧遠上人不過

辛啟泰

樹杪山橋十里程  
綠扶纖草午風輕  
寒巖欲莫空山落  
獨倚長筇聽鳥鳴

詩餘

水調歌頭 煙雨觀

宋縣丞 趙師俠

江流清淺外山色有無中  
平田坡岸迴曲一目望難窮  
波面輕鷗容與沙際野航橫  
渡不信畫圖工  
路入神仙宅翠鎖  
梵王宮  
俯晴郊增勝概  
氣橫空  
雲林城市層列知有幾  
重重

更上危亭高處徙倚闌干虛敞象緯逼璇穹要盡無邊景煙  
雨看空濛

采陳府志補

萬載縣志卷三十

雜記

書之體例宜純宜整不宜雜也然義理無所不貫有不可以  
一例名一端盡者則以雜該之是以卦以雜繫記以雜著卽  
服亦有雜學唐宋以來書以雜記名者多矣邑志分目類輯  
大端已具而軼事畸聞時散見於他說無可附麗則雜而紀  
之稍爲甄綜時代亦莊亦諧動寓激勸豈徒供奇詭瑣譚已  
哉撰雜記志

應智項之起以武畧保聚鄉里初疑爲閩左豪右彪勇任俠之  
徒及觀於其州人生則戴爲父母沒則奉之爲神則又歎其

功德所被必由其有豈弟之意溫溫煦煦以拊循其民而無  
幾微麤猛嚴厲之氣斯所以沒世不忘也謂之循吏抑何媿  
焉 王謨十代文獻畧

唐僖宗文德元年秋八月楊行密畏孫儒之逼欲輕兵襲洪州  
袁襲曰鍾傳定江西已久兵強食足未易圖也 綱目質實鍾

傳萬載人

自廣明庚子之亂天下大荒車駕再幸岐梁道殣相望郡國率  
不以貢士爲意江西鍾傳令公起於義聚奄有疆土充庭述  
職爲諸侯表式乃孳孳以薦賢爲急務雖州里白丁片言隻  
字求貢於有司者莫不盡禮接之至於考試之辰設會供帳

甲於治平行鄉飲之禮常率賓佐臨視拳拳然有喜色復大  
會以餞之筐篚之外率皆資以桂玉解元三十萬解副二十  
萬海送皆不減十萬垂三十載此志未嘗稍息時舉子有以  
公卿關節不遠千里求首薦者歲嘗不下數輩 唐摭言

安陸郡有處士姓馬忘其名少遊湖湘又客於鍾陵十數年嘗  
說江西鍾傳本豫章人少倜儻以勇毅聞於鄉里不事農桑  
恒好射獵熊鹿野獸遇之者無不獲焉一日有親屬酒食相  
會傳素能飲是日大醉唯一小僕侍行比暮方歸去家方二  
三里谿谷深遠有虎黑文青質額毛圓白眈眈然自中林而  
出百步之外顧望前來僕夫見而股慄謂傳曰速登大樹以

逃生命傳時酒力方盛膽氣彌羸卽以僕人所持白挺山立而拒之虎卽直搏傳傳亦左右跳躍揮杖擊之虎又俯伏傳亦蹲踞須臾復相拏攫如此者數四虎之前足搭傳之肩傳卽以兩手抱虎之項良久虎之勢無以用其爪牙傳之勇無以展其心計兩相擊據而僕夫但號呼於其側其家人怪日晏未歸仗劍而迎之及見相捍卽揮刃前斫虎腰旣折傳乃免焉數歲後江南擾亂羣盜四集傳以鬪虎之名爲衆所服推爲酋長竟登戎帥之任節制鍾陵鎮撫一方澄清六郡唐僖昭之代名振江西官至中書令

耳目記

鍾傳鎮江西日客有以覆射之法求謁傳以歷日包一橘置袖

中令射客云太歲當頭坐諸神莫敢當其中有一物常帶洞

庭香 鄭文寶南唐近事

上藍和尚在洪州甚爲鍾傳敬禮疾篤傳省之求一言相付和尚起索筆作偈以授其末云但看來年二三月柳條堪作打鐘鈍明年春淮帥引兵奄至洪州果陷江南遂爲楊氏所有

全唐詩話

梁太祖乾化時諸州長史多武士專以軍旅爲務不恤民事知誥獨選用廉吏修明政教招延四方士大夫洪州進士宋齊邱好縱橫之術謁知誥知誥奇之辟爲推官與判官王令謀參軍王翊專主謀議以牙吏馬仁裕曹悰爲腹心

綱目質實



吳順義中差官與販簿定租稅厥田上上者每一頃稅錢二貫一百文中田一頃稅錢一貫八百下田一頃千五百皆足陌見錢如見錢不足許依市價折以金銀并計丁口調課亦科錢宋齊邱時爲員外郎上策乞虛抬時價而折絹絹綿本色曰江淮之地唐季以來戰爭之所今兵革乍息黎甯始安而必率以見錢折以金銀此非民耕鑿可得必與販以求之是爲教民棄本逐末耳是時絹每疋市價五百文綢六百文綿每兩十五文齊邱請絹每疋抬爲一貫七百綢爲二貫四百綿爲四十文皆足錢丁口課調亦請蠲除朝議喧然沮之謂

虧損官錢萬數不少齊邱致書於徐知誥曰明公總百官理大國督民見錢與金銀所謂擁篲救火撓水求清欲火滅水清可得乎知誥得書曰此勸農上策也卽行之自是不十年間野無閒田桑無隙地自吳變唐自唐歸宋民到於今受其賜齊邱之事美矣徐知誥乃亟聽而行之可謂賢輔相而九國志齊邱傳中畧不書資治通鑑亦佚此事今之君子惟知浚民以益利豈不有覲於偏閩之臣乎

容齋隨筆

世言江南精兵十萬而長江天塹可當十萬國老宋齊邱機變

如神可當十萬

說見龍象江南野錄

周世宗欲取江南故齊邱以反間

死方五代之際天下分裂大亂賢人君子皆自引於深山大

澤之間以不仕爲得而馮道有重名於中原齊邱擅眾譽於江表觀其人可以知其時之治亂矣周師之犯淮南齊邱實預議論雖元宗不盡用然使展盡其籌策亦非能決勝保境者且世宗豈畏齊邱機變而間之者哉蓋鍾謨自周歸力排齊邱殺之故其黨附會爲此說非其實也予論序齊邱事盡黜當時愛憎之論而錄其實覽者得詳焉

陸游南唐書

宋齊邱相江南李先主昇中主環二世皆爲僕射環愛其才一日選景於華林廣席獻羯鼓詩曰巧斲牙牀鏤紫金最宜平穩玉槽深因逢淑景開佳宴爲出花奴奏雅音掌底輕瓏孤鵲噪枝頭乾快亂蟬吟開元天子曾如此今日將軍好用心

又嘗獻鳳凰臺詩曰嵯峨壓洪泉岩峿撐碧落闕哉秦始皇不驅亦不鑿上有布政臺八顧背城郭山蹙龍虎健水黑螭蜃作白虹欲吞人赤驥相搏爍畫棟泥金碧石路盤磽确倒掛哭月猿危立思天鶴鑿池養蛟龍栽松棲鸞鷲梁間燕教雛石罅虵懸殼養花如養賢去草如去惡日晚嚴城鼓風來蕭寺鐸埽地驅塵埃翦蒿除鳥雀金桃帶葉摘綠李和衣嚼貞竹無盛衰媚柳先搖落塵飛景陽井草舍臨春閣芙蓉如佳人迴首似詞謔當軒有直道無人肯駐脚夜半鼠窸率天陰鬼敲啄松孤不易立石醜難安著自憐啄木鳥去蠹終不錯曉風吹梧桐樹頭鳴曝曝峩峩江令石青苔何淡薄不話

興亡事舉首思渺邈吁哉未到此福劣同尺蠖籠鶴羨鳧毛  
猛虎愛蝸角一日賢太守與我觀橐籥往往獨自語天帝相  
唯諾風雲偶不來寰宇銷一畧我欲烹長鯨四海爲鼎鑊我  
欲取大鵬天地爲矰繳安得生羽翰雄飛上寥廓

馬令南唐書宋齊邱本傳

李徵古少時賤遊嘗宿同郡潘長史家是夜潘妻夢門前有儀  
注鞍馬擁劔鎔錄衛隊約二百人或坐或立且云太守在此  
洎見乃寓宿秀才覺後言於潘曰此客非常人也妾來晨畧  
見餞酒一鐘贈之金扼腕曰郎君他日富貴慎勿相忘李不  
自知也來年至京一舉成名不二十年除袁州刺史離闕日

元宗賜內庫酒二百瓶

鄭文寶南唐近事

徐楚金端人也其爲徵古作記稱以吾師意其學行在當時亦  
非碌碌者徒以比周陳覺傳會齊邱遂至目爲僉耶爲世嫉  
憎則甚矣朋黨之累人也班固之於竇憲也馬融之於梁冀  
也陸機潘岳之於賈謐也柳宗元劉禹錫之於王叔文也其  
人文章經濟豈不足以自致功名而立身一敗萬事瓦裂殷  
鑒不遠自古而然夫防風侏儒各有一節執其一節即可定  
其身之長短然而相士者於此又有截長補短之法焉徵古  
人品不必深論至以經術潤色吏治亦不可謂非其所長子  
故不取南唐書而別采他籍以入於循吏傳斯亦瑕瑜不掩

之意也

王謨十代文獻畧

宋太祖欲伐江南萬載徐鉉入奏乞罷兵太祖曰江南主有何罪但臥榻之側豈容他人鼾睡乎

周深坡長編鈔

萬載徐鉉寓邠州死家人孳喪歸道出一邑時索緡爲宰忽一官自稱江南放叟徐鉉來謁曰僕有所懇平生本廉介向在江南爲學士時嘗勉強徇情誤受人一寶帶不獲固辭爲囑執政更定一獄雖事不枉法情有可原然或不免貪財罔上之罪今旅魂過海神廟下恐不及徧察生平緣此案不相容君爲邑宰統隸版籍乞爲吾謝之言訖不見緡異其事乃爲

請禱樞過如飛云

黃東重航中軼

涿水出豫章康樂縣其間烏程鄉有酒官取水爲酒極甘美與

湘東鄴湖酒年常獻之世稱鄴涿酒

盛宏之荊州記

葉夢鼎字鎮之淳祐年知袁州言袁郡山多田少請特免和糴轉運復下米三萬力請罷之毀萬載旗笛村淫祠塞其妖井

宋史

元至正八年萬載妖人彭國玉以白蓮惑衆謀不軌事敗竄麻城合鄒普勝之衆以紅巾爲號十二年國玉及其黨閔總管導賊將况普天攻瑞州大肆屠刈鄉民立寨自保者亦稱紅巾應之未幾左丞火尼赤進兵復瑞擒况普天閔總管彭國玉併家屬無少長鬻之民應之者亦戮以徇

瑞州府志

龍鐔以國子監生超擢爲浙江按察使同時如阮友章爲福建按察使王平爲北平又爲左右叅政二十五人一時銓補豈空印事發耶 弇州別集

龍觀察鐔弱冠時戲題白雄雞詩誰把芙蓉頂上栽此身曾向雪中來生平不會閉調舌一叫千門萬戶開其風裁居然可想見 府志

正統間過講鄉虎出歲稷先是鄉人因十二真君過講道經於其鄉名其地曰過講鄉人祠之尋燬李孟友乃於舊址葺真君壇虎他徙歲旱禱雨輒應居民德之并祀孟友於壇 舊志 翟昌甫家貧樂道喜讀書每春夏移居於塔秋冬則樓時人有

諺云昌甫塔昌甫樓風吹四面搖衆人爲之憂獨他絕無愁後以人才辟舉爲郎 舊志

彭汪所居鄰家失火汪前夕夢一紅臉人將金尺量各屋簷至汪宅而止謂其僕從曰此善人也免之後火發被焚者數十家汪宅獨存 舊志

前明間有屠沽晨逾山凹見虎蹲立援樹避之凹前一婦抱孩上鞵帶解乃以孩置虎身結鞵抱孩下凹虎去問之爲彭姓寡婦曰石也屠奇之娶婦歸延師課其子後家中落慍甚時村有富者過市古廟側聞廟中人語曰今日彭老爺來此受杖矣入廟闕無人疑之立於市適彭氏子向屠索紙筆怒屈

指格之彭氏子號泣富者向屠詰其故曰此乃彭氏兒也吾  
錢已盡乃索紙筆無已時富者曰毋余代之自是讀書十餘  
年皆富者力後彭由舉人官二千石

府志

常維楨令萬載年甫十六有童心狎侮諸吏民無不爲獨敬畏  
其嫂聞聲則肅然改容學使臨袁諸生謁見皆長揖吏稟知  
維楨當執屬禮庭參維楨曰若何所憑藉而致此乎吏曰由  
讀書耳曰是不難卽開義館延師課生徒講論時潛身匿屏  
後敬聽戒諸生毋洩數月乃大通經史作詩驚其館師治官  
有聲

府志

予抵上高十日後

順治乙酉十二月也

萬載署令杜之子杜子衿從省來

求予撥兵護送往萬載收父骸予如所請具優卹金六兩同  
牌給之杜抵萬載得父骸棺殮以舟載回因擄掠萬載良家  
婦女二十餘匿舟內度上高袁州刑館二役知而稟予予曰  
有處杜見予謝卹予曰尊翁在袁同事誼屬同寅當親弔發  
票示橋子杜船毋得擅放旋具二金折弔儀詣杜舟哭杜禮  
畢袁二役稟予云云指南岸一小舟曰在彼予命移舟親閱  
婦女見予俱大哭求救命予謂求父遺骸孝子也擄掠婦女  
則寇矣不可遂命小舟泊南岸其婦女一一停予寓所內具  
飲食歛之次日卽命小舟計口授糧造冊付袁二役押回萬  
載取領各歸其家

黃鼎彝蕩平附記

乾隆間高村閩人葛氏女領弱弟同鄰室子往九頂山採栗忽  
狂風起虎將其弟銜去鄰子皆走避葛女咆哮大哭手執篋  
刀追往力向虎嘴斫之虎竟將兒拋下逡巡去猶却步回顧  
思欲再噬也女急負其弟下山歸家調治得痊

古漏壺需人守候黃茅周許仙自運巧思製錫壺三上高源壺  
次均漏壺又次昇潮壺又設過水瓶定水壺分水引水龍俱  
用錫製最下置一瓦盆爲迴龍池定水壺側懸小鐘鐘下有  
槌有車輪若水確然昇潮壺內植木爲漏箭標十二時塑一  
小童捧之下安箭舟先審定某時正刻較準昇潮壺中漏箭  
將水注高源壺令滿徐徐自流以次遞下每交初刻及正刻

定水壺滿自行傾洩車轉鐘鳴潮亦隨昇小童捧漏箭並起  
箭上時刻畢現迄箭盡水盈壺下小孔旋流轉引水龍中洩  
入迴龍池潮水漸退箭舟亦漸低其上漏水仍微流不息漸  
積漸滿箭仍漸長如初每日僅從迴龍池運水高源壺一次


右新纂志乘三十卷蓋邑侯衛松甫楊  
肖巖兩先生屬經階同志輯而成之也  
邑之有志為一邑公論所由定即後世  
公論所由定成於一手寔難集眾手為  
之苟或依違涉私公論曷定哉斯志之  
輯就舊志所存者脩其蕪而歸於簡明  
飾其理而加之潤色其它生傳瑣事譜



序壽詩輓章諸以失檢貽幾者概從芟  
易舊志舛錯者取証史書亡佚者蒐宋  
嘉定等志及直省各通志先正諸集補  
綴之要其論之所定悉以程中丞刊發  
章程為準式存乎其公詎能徇乎人之  
喜厭非經與分輯諸公有所矯異於其  
間也誠不敢沒一邑公論以存後世公

論而已後之博雅君子覆眎舊志諦審  
斯志當必有共諒此衷而仍存公論者  
不無厚望焉道光十二年秋七月邑人  
郭大經跋





萬載縣志卷二十九

藝文下

詩

四言

我我亭

有序

元揭傒斯

富州學士

殷仲堪答桓温曰我與我周旋久寧作我宜春黃元瑜取以名其亭曰我我為賦詩一首

我遊於袁於龍之干有闢閑閑有環言言有構桓桓維集之

安我居我處我笑我語有翼其所而敢予侮我植孔嘉我構

孔華曾莫之迎而莫我多彼馳者子亦孔勞矣我既觀矣亦

莫我迷矣嗟殷氏之老猶弗桓是友我不我友將誰歸咎温

溫其和瀏瀏其清藹藹其芳煥煥其明嗟維古之人尙或子

聽采白志通志補

有竹五章章四句爲龍孔目駿賦

明楊溥石首內閣

有竹猗猗維茂如簣君子樂之載歌淇澳 有竹猗猗中通

外直君子樂之四時一色 猗猗者竹挺挺其標不以春妍

不以寒凋 美矣君子翰林之英來遊來歌治世音聲 猗

歟治世千載重熙樂協簫韶鳳凰來儀

題王永誠綠筠清室圖

張璧邑人副使

繫惟王丈人中之英蘭亭啓宵槐株植庭驅馳宦轍賢勞著

聲解組賦歸勁節等盟創垂課子驚人一鳴慶挺玉樹綸閣

寵榮年逾尙父嬰鑠稱評軍持紫芝煜煜騰馨徂徠松翠偃

蹇參冥噫嘻斯圖也豈啻琴書瀟灑披對於疎櫺殆衍龍鳳

之奇種抑亦昌後裔之崢嶸

溥泉吟有序

國朝孫馨祖邑人知縣

余城居之西有溥泉邈城北注於蜀水東至南昌入湖漢即漢書地理志建城縣注所稱引也夫達淵之泉固不同於在井之泉通志載溥泉與井泉無別不知漢之建城蜀水又安知溥泉之澤借湖漢而入於海爲莫可涯涘哉余既飲而樂之號曰溥翁翁勞人也又將遠行未必能樂於是意未嘗不在是也作溥泉吟

澹澹溥泉注於蜀水風雲在望咫尺江海孰泳其淵自溥翁

始 泉之溥翁居之下抱甕而汲餅罄有缶不驚波浪何勞

車馬 醉翁壯年以翁爲戲霜髯不翁強顏老驥入少年場

飲酒易醉不如飲水適溥翁之味 短歌聲促長歌聲慢亦  
有心聲在聲之外寫水聽風可是天籟

五言古

衝雨萬載道中得逍遙觀遂託宿戲題

宋黃庭堅 分寧舍人

逍遙近道邊憇息慰憊懣晴暉時晦明  
謹語諧讜論草萊荒  
蒙龍室屋壅塵空僕僮侍偏側涇渭清濁渾

采山谷詩集

題李西傑水竹居

劉章

在昔香山老水友而竹師心虛是師道性靜友亦宜孰謂物  
理妙乃爲高賢資佳哉隴西子結屋溪之涘溪上亦何有有  
竹如在淇娟娟峙寒碧澄澄燭須眉微風一披拂雜佩聲參  
差俄頃萬籟寂粹然澹餘姿可但子師友我方師友之未到  
三歎息徒勞形夢思

前題

章穎

水清湛無波竹直勁有節風味與誰隣夷齊采薇蕨羨君虛  
其閒塵事俱掃絕無求萬慮空清夢化爲蝶高垣繞華懷未  
免畏炎熱何如李君好曾襟深冰雪玉山曾品題價重萬金  
將幽尋勝得趣靜對物理徹雖貧亦何傷政恐污我潔吾言  
儻未然歸聽此君說

寄題張氏中隱堂

張孝祥

吾家中隱居才比萬斛泉短小精悍姿一劍當雄邊去年柳

州賊俯視衡嶽巔君從襄陽來孤忠作戈鋌談笑百雄安淨  
洗湖嶺煙謂當酬王勳金印如斗懸言歸遽如許此意誰爲  
宣小隱卽居山大隱卽居廛夫君處其中政爾當留連早晚  
有詔書喚君遠朝天欲爲中隱游更着三十年

以上三首采  
嘉定志補

題歐陽龍南

朝

所藏羅雉川秋江晚景

元  
揭傒斯

弱齡習村疇隨景慕追游散策步隆阜揮袂陟高邱仰送微  
霄翮俯鏡清川流攀條賞韶穠折穎弄芳柔湘南擬詞賦江  
左狎吟鷗不識年歲邁詎詒軒冕羞一從黜仕版羣憂積岑  
樓朝隨車馬塵暮與形影儔雖荷明主知百志靡一酬懷祿  
已云忝抗迹豈末由流電三十載回腸幾萬周朱顏日去面

白髮日滿頭君子委纁素丹素含嶺秋寒蘆被枉渚橫靄澹  
長洲草樹一消落鳧雁各飛浮亂石夕流駛空郊朝景收庶  
類趨晏暮孤生增隱憂覽物因有觸流詠慨前修

采贛州  
府志補

題東岐山房

虞集崇仁  
學士

秀挺東岐山雲氣常覆之林邱翳幽潛流泉發芳滋盤桓在  
中谷良疇漾清陂開堂直岡景長年誦書詩孝友夙所敦求  
道遠有師雅志尙端潔凡近諒難知康樂昔賜履詠歌足遐  
思啟書訪前聞往跡無所遺瞻彼古澗松深根連喬枝亭亭  
植高節鬱鬱含令姿衆木不同泯悠哉副深期

題蒙庵爲黃石谷賦

虞集

東南有高邱下臨萬家邑汪洋浹春潤沃衍盛秋入羣山若  
浪波起伏翠重襲靈運好奇險高平罕相及幽人罔綺間周  
覽度原隰隨山導清泉積石拾層級結庵以蒙名果行信所  
執良時一來游朔月九交十門當星斗高隴臥風雨濕一川  
燈火歸賓從雜車笠登高愧能賦騰身竦山立

為黃氏賦大雅詩

虞集

岐山鬱嵯峨鳴鳥昔有聞周公盛制作經綸以彌文朝事接  
燕饗勸勞兼賓軍肅離述盛德工歌贊前勲流蕩桑濮靡何  
由返咸雲陳肆輒有見吳季真不羣公子有古絃歷然宮徵  
分大雅忽有作青春日方殷高堂以居之樂康永欣欣

以上三首

采道園學古錄補

桐岡書屋

明曾棨永豐少詹

梧桐在高岡下有隱者居屋後山削玉屋前水鳴渠屋中何  
所有插架多古書竹簡識科斗芸香驅蠹魚豈伊惜寸陰庶  
用勤三餘名教有真樂孜孜遂忘劬及茲得賢嗣發軔登雲  
衢追陪青瑣賢出入承明廬聲光動鄉邑此屋信不虛黃金  
雖滿籬視斯諒弗如墨莊有遺訓永矣垂名譽

靜樂軒

鄒緝吉水庶子

雅志樂幽夔遠隔塵市喧屏居林壑間息心以忘言背水結  
茅屋面嶺開柴門羣峰當簷出修竹遶舍繁時事不相及外

物寧爲昏翛然一室內習靜臨前軒希夷絕塵想泯默謝囂  
煩至樂惟在茲擾擾焉足論

前題

王英

臨川侍講

伯陽貴清靜莊叟樂恬熙寓心得所止達者斯爲宜遺隱在  
林麓逍遙復何爲軒窗極明豁草木皆芳菲適意聊泛覽忘  
情豈知疲衆紛諒已却慮澹志自怡乃知靜者趣冥默真吾  
師安得謝輪鞅相與探元微

綠筠書室

易

節

邑人布政

我愛西鄰交王君多意氣植物慕佳卉營構擇幽地三徑色  
蔥蘢一室清陰蔽若人珊瑚姿虛心違世累晚節固自堅桃

李終僮婢孰云林下風而無諸侯貴何當賦歸來與子同高  
致

高岡雅詠

楊宏備

藹藹君子廬乃在宜陽間門環康樂水圖畫五名山夫君懷  
隱德優游非等閒酌酒摘瓊枝仙人相與選五色散烟霞頃  
刻成斑斕文章多合子鳴珮玉珊珊

山田大智寺古柏

并序

熊

頤

清江

萬載之北鄙五十里有奇柏焉一本九幹大可蔽牛枝下  
垂仆而復起軒舉怒張怪異莫可名狀甲戌夏予客湖溪  
主李先生維則之廬詰旦主人具酒食邀諸友往視而寺  
僧適來相與取道江干徐步山椒林木陰崖巖風振雨忽  
聞泉聲清澈如鳴珮環至則方池半畝可鑿須眉相於此  
托根焉夫山松隱峇各止其所柏不山而水是生此殆天